

Labare á higa na a puwetaa YUHANNA

*Yaisu *Almasiihu nane elva á Dadaamiya*

¹ Kwaye am fakta, ba lauktu Dadaamiya á nderá duksa keni, edda una tá ðaháná an elva á Dadaamiya na ndza ankwá tsawe. Elva nanna ndza ta ba kerðe an Dadaamiya, elva nanna Dadaamiya.

² Daaci elva nanna wá, kwaye am fakta ta ba kerðe an Dadaamiya.

³ Baðemme á duksa, Dadaamiya a nderanaa áte erva an nane. Baaka názena ni ta nderanaa áte erva an nane ka.

⁴ Elva nanna wá, á vatertá ba nane shifa ge emnde. Shifa nanna maa, ankwá á vaterte parakkire á jirire ge emnde.

⁵ Parakkire nanna ankwá á mbe am tabedammire, amá dzegwánka tabedammire ganakini á emtsanaametsa.

Elva áte Yuhanna slemaga baptisma

⁶ Ankwá ura ndza a belanaa Dadaamiya werre, zhera-aara Yuhanna.

⁷ Sawa-aara ge nane wá, ndza a sawa ge balateraa elva á parakkire nanna ge emnde, ganakini a fartarfe emnde áte parakkire nanna.

⁸ Nane-ka una parakkire nanna; nane wá, á maga ba seyðire á elva á parakkire nanna.

⁹ Parakkire nanna wá, parakkire á jirire, a semhe á sem huðe á duniya wá, ankwá á mbe

am dágave á emnde bademme, á maraterá parakkire á jirire.

¹⁰ Edda una ni tá cfahaná an elva á Dadaamiya na wá, ndza á ba am huđe á duniya. Ba duniya na keni Dadaamiya a nderanaa á ba áte erva an nane, amá duniya diseka nane cfekideki.

¹¹ Nane a sem larde-aara ba ge nane, amá emnde-aara nanna lyyarka.

¹² Aley keni wá, tá anƙwa emnde na ni ta lyevaa nane, fartarfe áte nane. Ge emnde nanna wá, a naba vaterte barama á gev egdzara á Dadaamiya.

¹³ Garevka egdzara á Dadaamiya áte una tá yaná emndimagwaha am duniya na, amá Dadaamiya a vaterta shifa anwaslire, geni tá gevge egdzara-aara.

¹⁴ Elva á Dadaamiya gevge urimagwe, a se nja á ba am dágave á miya, huđe-aara palle áte emnde, ura jirire an tsaka ire, namiyánna yaikkire-aara, yaikkire na ni a vanta a Eddeƙara ge nane, Egdza-aara palle ba nane na.

¹⁵ Am sarte na a puwete ice-aara áte nane Yuhanna, a naba kante kwára, a ba nane á elvan ge emnde: «Náwa edda una ndza ya bakuraa elva-aara, á ba iya: Anƙwa á sawa ura am iga-aaruwa, amá á jiyuje nane an ngahire na. Adaba kwaye zlaƙe yarika ya, amá nane anƙwa.»

¹⁶ Adaba nane a hyephe a jauka, a gamiyar barka an tsaka ire ge miya bademme.

¹⁷ Dadaamiya a sateraa *tawrait a ge emnde á kya erva an Muusa, amá tara ngurna-aara

antara jirire-aara bademme wá, a sanaa á ba áte erva an Yaisu *Almasiihu.

¹⁸ Baaka ura ndza nanna Dadaamiya d'ekid'eki, amá Egdza-aara na palle ba ñane, ta ba palle an Dadaamiya na, a se maratersaa ñane Dadaamiya ge emnde.

Seydire á Yuhanna slemaga baptisma
(*Mat. 3:1-12; Mark. 1:1-8; Luka 3:1-18*)

¹⁹ Vacite umele, male-aha á Yahudiya-aha am Urusaliima ta belaa *liman-aha antara *Lai-wiñkau-aha á deza Yuhanna geni tá de ndavanundave ñane mu ware.

²⁰ Yuhanna kwalaaka, a naba vaterte jawápa: «Iya wá, ya *Almasiihu-ka», a ba ñane á katafke á emnde bademme.

²¹ Ta ndavanuhe: «Ka *Ailiya werre na emtu?» A ñute ge Yuhanna: «A'aa, ya Ailiya-ka.» «Ka nabi na ná an'kwa cena elva-aara am wakita á Dadaamiya na emtu?» «Ya ñane ka», a ba ñane zla'be.

²² «Ay ká ware kena? Ndañerndaha názena ni ná de mbedateru ge emnde na ta belañer'belana. Ate ka mu, ka ware?»

²³ A ñwaterante ge Yuhanna, a ba ñane: «Iya wá, ya edda una ndza a ndahanaa nabi Aisaya werre, a ba ñane: An'kwa ura á bálá elva am kaamba, a ba edda-aara: An'kwa á sawa Yaakadada, tsatsawanaatsatse barama ba nded'de na.»

²⁴ Emnde na ta belateraa á deza Yuhanna ñanna wá, emnde umele-aatare ta *Farisa-aha.

²⁵ Itare ta ndavanuhe ge Yuhanna, a ba itare tá elvan ge ñane: «Labára ká magaterá baptisma

ge emnde máki ka Almasiihu-ka, ka Ailiya-ka, ka nabi na á ndahaná wakita á Dadaamiya-ka?»

²⁶ A ñwaterante ge Yuhanna, a ba ñane: «Iya wá, yá magakurá baptisma á ba an yawe, amá anƙwa ura á de sawa am iga-aaruwa, ba kina keni anƙwa á ba am dágave á kure diyakurka ba kure, ñane wá,

²⁷ ba ge slesadanse kimake am sera keni lyanefka deƙideƙi.»

²⁸ Una-aha ñanna a magava am Baytaniya áte iga a guwa á Urdun, tate na Yuhanna á magaterá baptisma ge emnde.

Yaisu egdza zhel kyawe á sadake á Dadaamiya

²⁹ Makuralla-aara, ma ba a puwete ice-aara Yuhanna áte Yaisu, anƙwa á duwa ádezeɲara wá, a ba ñane: «Kwaye egdza zhel kyawe á sadake á Dadaamiya, á bezaná ñane haypa á duniya baɗemme.

³⁰ Ba ñane edda una ndza ya bakuraa elva-aara, a ba iya: Anƙwa á sawa ura am iga-aaruwa, amá á jiyuje ñane an ñgahire, adaba kwaye zlaɓe yarika ya keni ñane anƙwa na wá, ba ñane.

³¹ Ba iya keni ndza diyanka dawale ñanna estuwa, mbate adaba ba ñane una ya se magateraa baptisma an yawe ge emnde geni a diyareddiye emnde a *Iserayiila ba shagera.»

³² A ba Yuhanna zlaɓe ádaliye: «Ya nanna Sheɗeƙwe Cuɗeɗɗe á tsekwa á sawa am samaya ba seke takala wá, a se tsekwehe áte ñane.

³³ Werre wá, ndza diyanka ganakini ñane ura estuwa, amá ndza a biyánba Dadaamiya na

a beli ge se magateraa baptisma an yawe ge emnde na, a ba ɲane: Watse ká nanna Shedekwe Cufedde á se tsekwanem am ire ge ura, ura ɲanna wá, ba ɲane una watse á magaterá baptisma ge emnde an Shedekwe Cufedde na.

³⁴ Ya nanna una ɲanna», a ba Yuhanna, «Adaba una ɲanna yá enndáhá ba párákke geni ba ɲane una *Egdza á Dadaamiya.»

Pukura-aha á Yaisu zuɲɲwe

³⁵ Gurgekse-aara keni ba nja-aara am tate ɲanna Yuhanna, tá aɲkwa emnde buwa am pukura-aha-aara ázeɲara.

³⁶ A naa Yaisu aɲkwa á degáshe wá, «Kwaye egdza zhel kyawe á sadake á Dadaamiya!» á bina.

³⁷ Cenaráncena pukura-aha-aara buwa na elva ɲanna, ta naba tse, ta dába Yaisu.

³⁸ A eptsavete ge Yaisu wá, a naa ba tá dabaná am iga. A ndavateruhe: «Kwá kátá uwe kure?» Tá ɲwanante a ba itare: «Ká njá áme ká Rabbi?» (amaana malum).

³⁹ A ɲwaterante ge Yaisu, a ba ɲane: «Sawm-bare, nawanaana tate ɲanna.» Daaci ta duhe, ta de zharanaahe tate na á nja Yaisu átekwa ɲanna, ta zlsansau váha ázeɲara. Duwa-aatare ɲanna á maga saa ufade á ice a vaciya.

⁴⁰ Pukura-aha buwa na ta cenvaa seydire na a maganaa Yuhanna áte Yaisu, ta dába Yaisu na wá, palle-aatare Andere, egdza emmeɲara ge Simaun Piyer.

⁴¹ Am iga a tegava-aatare antara Yaisu wá, Andere ta de ja ire an egdza emmeɲara

Simaun zunṅwe. Daaci a mbedanuhe, a ba ṅane: «Ṃere shaṅeránsha *Almasiihu vatena» (amaana: Edda una a eksesaa Dadaamiya).

⁴² Daaci a puwanse á deza Yaisu na. Daremda áza Yaisu, a ba Yaisu á elvan ge ṅane: «Ba ka Simaun egdza á Yuhanna na ka? Mazla-aara wá, zhera á ṅa Kaifas.» Amaana: Piyer. Piyer na wá, palaha.

Yaisu á d'áhá tara Filip an Natanayail

⁴³ Makuralla-aara tsetse ire á Yaisu ge eptsa á dem kwárá á Galili maa, de jarje ire antara Filip. «Sawa d'abid'aba», a ba ṅane á elvan ge ṅane.

⁴⁴ Filip, ṅane ura Baytisayda, ekse-aatare ba palle antara Andere ira Piyer.

⁴⁵ Duwa á Filip, ṅane keni ta de jaa ire antara Natanayail, a mbedanuhe, a ba ṅane á elvan ge ṅane: «Ṃere shaṅeránsha edda una Muusa a puwete elva-aara am *tawraita, nabi-aha umele keni ta ndaha elva-aara na. Una ba Yaisu egdza á Yusufu, ura Nasarátu.»

⁴⁶ A ba Natanayail á elvan ge ṅane: «Duksa shagera estuwa ni á jesaare á kya Nasarátu Filip?» A ba Filip: «Sawa nanaana ba ka.»

⁴⁷ Am sarte na aṅkwa duwa Natanayail ádeza Yaisu, a ba Yaisu: «Náwa ura *Iserayiila jirire na ni baaka fida am ṅane d'ekid'eki.»

⁴⁸ «Ka diyise áme?» a ba Natanayail á elvan ge ṅane. A ṅwanante ge Yaisu, a ba ṅane: «Ba lauktu á duwa Filip á de d'akd'áhá am ekte á nabugda na keni, iya yá zhárá ba ka.»

⁴⁹ Daaci a ba Natanayail á elvan ge ñane: «Malum, ekka wá, ka *Egdza á Dadaamiya, ka Slekse á *Iserayiila ba jire.»

⁵⁰ A ba Yaisu á elvan ge ñane: «Ká fetare áte ya, adaba ya bakaa ya nákna am sarte na ká am ekte á nabugda na emtu? Duksa na á jauje ba ge una keni, sey watse ká nanna.»

⁵¹ A ba ñane zlaɓe ádaliye á elvan ge ñane: «Yá ndak ba jirire: watse kwá náanna degiya samaya an wacene ba waɗɗe, daaci malika-aha á Dadaamiya tá dǎlá á dem samaya, tá tsekwa zlaɓe á setarge iya ya *Ura á emnde baɗemme.»

2

Muɗri á larusa am Kana

¹ Am háre ge keyire am iga a tse-aara, jerje muɗri á larusa am Kana am kwára á Galili. Anƙwa emmeɗara ge Yaisu am larusa ñanna.

² Yaisu antara pukura-aha-aara keni ɗaraterɗáhá á dem larusa ñanna.

³ Daaci eksateraarektse mbazla maa, a ba Maari á elvan ge Yaisu: «Degiya baaka zlauzle mbazla-aatare.»

⁴ Amá a ɗwanante ge Yaisu a ba ñane: «Emma ká kwarisá ka slera-aaruwa emtu? Iya zlaɓe samka sarte-aaruwa emtsaade.»

⁵ Amá duwa á Maari, a ba ñane á elvan ge emnde a tega duksa, «Ma a bakuraa uwe keni naba magaumágá.»

⁶ Anƙwa jeba á gahe á yawe-aha umele am tate ñanna, Yahudiya-aha tá bara an ñane áte una á kwaratersá nadina-aatare. Gahe-aha ñanna wá, palle-aara á ekse yawe deydey hwámá ilyeɓe.

⁷ A ba Yaisu á elvan ge emnde a tega duksa: «Nawantenáhá gahe-aha na an yawe.» Ta naba nante yawe am gahe-aha na an we-aara.

⁸ Daaci a ba Yaisu á elvan ge itare: «Kina wá, kawvaaka cekwaanḡudī, vawanteva ge male á muḡri na.» Ta naba kevaahē, ta danánhe.

⁹ Male á muḡri ḡanna a tapaa yawe na a nyev mbazla na, diyaaka tate na ni ta sanaa átekwa. Amá emnde a tega duksa wá, itare diyardiya adaba ta payema ba itare yawe ḡanna á dem gahe-aha. Daaci male á muḡri na a dante zhele á larusa,

¹⁰ a ba ḡane á elvan ge ḡane: «Emnde tá tegater mbazla na emtake jipu na emt-saade zuḡḡwe ge emnde, má hyaterhya mbazla ge emnde lauktu tá payaterá una ekt-seváktsa emtakire-aara ni, ekka sem kina keni ka shebanve una emtake jipu na á ba am bere?»

¹¹ Kwaye ḡane najipu á Yaisu zuḡḡwe, a maganaa am Kana, am kwárá á Galili. A marese estuwa yaikkire-aara, pukura-aha ta fetarehe áte ḡane.

¹² Am iga a una ḡanna maa, ḡane, emmeḡara, egdzar mama-aha-ḡara, ira pukura-aha-aara, ta zlála á dem Kafarnahum. De hararaaháre cekwaanḡudī áhuwa.

Názena a maganaa Yaisu am mashidi

(Mat. 21:12-13; Mark. 11:15-17; Luka 19:45-46)

¹³ Herzhapteherzhe muḡri á Yahudiya-aha na tá dahaná an *Paska na maa, a naba tsetehe ge Yaisu, a dem Urusaliima ge mága muḡri ḡanna.

14 Daada-aara am Urusaliima wá, a dem *mashidi yaikke. Duwa-aara, a de bera emnde tá anƙwa v́alá sla-aha, kyawe-aha, antara emnde a v́alá takala, ira emnde a peteke, tá an tabel-aha-aatare á katafke.

15 Yaisu a naba kezlante źawá, a ganve ba seke kurpe, a ngyaterse antara dabba-aha-aatare na bademme am mashidi na, a naba mbaɗaa tabel-aha á emnde a peteke, a puwevhe ge shunƙu-aha-aatare nanna á dem áhá.

16 A ba nane á elvan ge emnde a vela takala keni «Jawanaaja áhuna! Labára kwá ganve bere á Edderwa bere á tsakala?»

17 Pukura-aha-aara tá zhára ba maga-aara na wá, ta naba yehete názu am wakita á Dadaamiya, anƙwa an puwa a ba nane: «Dadaamiya-aaruwa, wayantewáyá bere á na an ervaunɗe-aaruwa bademme, yá taa njeka tsekadɗe ɗekideki.»

18 Am iga a una nanna maa, a ba male-aha á Yahudiya-aha, tá elvan ge nane: «Ká marañerá najipu-ara kina lauktu ńa dise átekwa geni a vaktaa ba Dadaamiya hákuma á mága una?»

19 A nwaterante ge Yaisu, a ba nane: «Naba mbedawanaambedá kure mashidi na, yá tsantetse zlaɓe ádaliye am háre keye.»

20 A ba Yahudiya-aha tá elvan ge nane: «Yawe kul ufaɗe ju unƙwahe tá nderá ba mashidi na náwa nane na ni, ká tsantetse ka am háre keye?»

21 Mbate nane a ndanaa áte mashidi-ka, nane a ndaha elva a emtsa-aara, antara tse-aara am fáyá.

22 Am sarte na tsetsa Yaisu am fáyá wá, saasa

elva nanna á sem ire á pukura-aha-aara, ta fetarehe áte názena am wakita á Dadaamiya, antara elva-aha na ndza a ndahanaa nane bademme.

Ma ware keni Yaisu diyaadiya hufe-aara

²³ Am haraare Yaisu am Urusaliima am muñri á *Paska maa, kwakya najipu-aha na a maganaa nane, emnde keni kwakya fartarfe áte nane adaba najipu-aha nanna.

²⁴ Amá Yaisu wá, fetareka an itare, adaba nane diyaadiya názu am ervaunđe-aatare bademme.

²⁵ Adaba nane wá, tá banná emndeka elva áte ura, diyaadiya ba nane názu am hufe á emnde bademme.

3

Tara Yaisu an Nikaudaimus

¹ Ndza ankwá ura *Farisa umele zhera-aara Nikaudaimus, palle á male-aha á Yahudiya-aha wá,

² a seza Yaisu an vayiya, a se ndava elva ázenara. «Malum», a ba nane á elvan ge Yaisu: «Diyañerdiya geni a belakaa Dadaamiya, adaba baaka edda una á dzegwándzegwa mága najipu-aha na ká ankwá maganá ka na, máki baaka Dadaamiya antara nane.»

³ A nwanante ge Yaisu, a ba nane á elvan ge nane: «Yá ndak ba jirire: Baaka ura á dem zlaná á Dadaamiya máki yairseka ge buwire.»

⁴ A ba Nikaudaimus á elvan ge nane: «Tá yáná estara kena emgyegwe a zhele, á

dzegwándzegwa dem huɗe á emmenjara, lauktu tá eyya á daliye emtu?»

⁵ A ba Yaisu á elvan ge njane «Yá ndak ba jirire: Ma ware edda-aara keni á daaka á dem zlanna á Dadaamiya ɗekiɗeki má yairseka an yawe antara an Shedekwe Cufedɗe.

⁶ Una tá yáná emnde am duniya na keni ba ge ire-aara. Tate na á yáná Shedekwe Cufedɗe keni á yáná ba shedekwe.

⁷ Maŋka najipu aɗaba ya bakaa sey tá yakurs-eye ge buwire.

⁸ Effeya wá, ma á dem tate-ara keni ba á wátá. Ká cenáncena mága-aara, amá wá, ma a tsetaa áme keni diyaŋka, ma á de tse áme keni diyaŋka. Edda una tá yáná an hákuma á Shedekwe Cufedɗe keni ba estuwa.»

⁹ A ba Nikaudaimus á elvan ge njane: «Á magava estara una njanna?»

¹⁰ A njwanante ge Yaisu: «Iyau ekka wá, ka malum á *Iserayiila-aha yaikke keni diyaŋka una?»

¹¹ Yá ndak ba jirire, njere wá, njá ndakur názena ni diyaŋerdiya, antara názena njá nanna, amá kwá ceneka elva á njere.

¹² Máki yá bakurá elva áte kazlaŋa á duniya aley cenakurvaaka fakurtaareka áte ya, sakwa kazlaŋa á samaya emtu?

¹³ Ay degiya baaka edda una ndza a dem samaya ba palle keni. Cenaucena elva-aaruwa ya *Ura á emnde baɗemme na ya sawa am samaya.

¹⁴ «Yeheteyeha názena ndza a maganaa Muusa am kaamba werre: A magaa havale an verzhagane, a zlejelete áte zade, a kante á dem

zhegela. Iya *Ura á emnde bademme keni watse tá de zleneliyá ba estuwa.

¹⁵ Daaci ma a fetare ware áte ya keni á shansha shifa na á zleka na.

¹⁶ Adaba Dadaamiya wayatewáya duniya kwakya. Adaba una nanna a vante Egdza-aara palle ba nane. Ma a fetara ware áte Egdza nanna keni, á kefeka defekedi, á shansha shifa na á zleka na.

¹⁷ Dadaamiya belaaka Egdza-aara á sem duniya geni á se ngwada emnde, amá a belán geni tá nezlesenzele emnde áte erva an nane.

¹⁸ Edda una fetarfe áte nane wá, baaka shairiya áte nane. Amá edda una má fetareka áte nane wá, ba kina keni nánáña shairiya, adaba fetareka áte *Egdza á Dadaamiya palle ba nane.

¹⁹ Náwa názena ni watse emnde tá shá ngwada adaba nane: Samsa parakkire á sem duniya, amá emnde a duniya yarnaaya, itare ta hayaa ba tabedammire, adaba shagerka názena tá maganá itare.

²⁰ Ma ware una á maga duksa shagerka na, wayaaka an parakkire defekedi, a hayaa ba nja am tabedammire, geni a marseka parakkire shagerkire na á maganá nane na.

²¹ Amá edda una ni á maga duksa shagera wá, nane á kátá ba parakkire, geni a naránna emnde shagerire-aara antara geni a diyareddiya emnde fesarfira na á maganán ge Dadaamiya.»

Ngahire á Yaisu an naza á Yuhanna slemaga baptisma

²² Am iga a una ñanna maa, a tsetehe ge Yaisu antara pukura-aha, ta dem tate umele á ba am kwará á Yahudiya ñanna, hararaare jipu am tate ñanna, ta magateraa baptisma ge emnde áhuwa.

²³ Yuhanna slemaga baptisma keni anƙwa á magaterá baptisma ge emnde am ekse á Aynun herzhe an Salim, adaba kwakya yawe am tate ñanna. Emnde kwakya tá dezeńara, á magaterá baptisma.

²⁴ Adaba zlaɓe eksarvaaka Yuhanna á dem daŋgay am sarte ñanna.

²⁵ Ay emnde umele am pukura-aha á Yuhanna, tá anƙwa gajawe antara ura Yahudiya umele arge nade á Yahudiya-aha ge bára, lauktu tá shá cufedfdire áza Dadaamiya.

²⁶ Duwa-aatare á deza Yuhanna, «Malum yaikke», a ba itare tá elvan ge ñane, «Zhel na ndza á njá ázeña áte iga a guwa á Urdun, ndza ka bañeraa elva-aara na, zlaɓe anƙwa emtu am ire á ña? Kwaye ñane keni anƙwa á magaterá baptisma ge emnde, baɗemme á emnde tá kela á ba dezeńara.»

²⁷ A ba Yuhanna á elvan ge itare: «Baaka ura á shansha ba názara keni máki vanteka Dadaamiya.

²⁸ Náza-aaruwa wá, ba kure keni diyakurdiya. Adaba ya bakurnaa ba iya an we-aaruwa geni iya wá, ya Almasiihu-ka, amá ya slebela á Dadaamiya ge se tsatsanaa baráma ge *Almasiihu.

²⁹ Diyakurdiya zhele á larusa wá, edda á mukse ba ñane. Náza á slákáte wá, ñane ba á njá átevege ura-aara zhele á larusa, á higa jipu

ge cena kwará á ura-aara máki á ndáhá elva. Ba duksa palle ge iya keni. Ya ba seke ura á zhele á larusa, kina ervaunɗe-aaruwa ba seke nama.

³⁰ Shagera ba á farfe ngahire-aara ge ɗane, á gulá náza-aaruwa.»

Edda una a sawa am samaya

³¹ Edda una a sawa am samaya wá, bademme á duksa á ba am erva-aara. Amá ura á duniya wá, ɗane ba urimagwe, elva-aara keni á ndaha ba elva á duniya. Amá edda una a sawa am samaya wá, bademme á duksa á ba am erva-aara.

³² A ndáhá názena ni a nanaa ɗane, antara názena ni a cenanaa ɗane, amá baaka ura á cena elva-aara.

³³ Ma ware una a cenvaa elva-aara keni, edda-aara njantenja jirire á Dadaamiya.

³⁴ Slebela á Dadaamiya wá, á ndáhá ba elva á Dadaamiya, aɗaba Dadaamiya á vante Shedekwe-aara baaka zlakta-aara.

³⁵ Dadaamiya wá, wayetewáyá Egdza-aara, bademme á duksa a fanem am erva ba ge ɗane.

³⁶ Ma a fetaare ware áte *Egdza á Dadaamiya keni shánsha shifa na á zleka na. Amá edda una fetarka áte ɗane wá, á shanka shifa, á segasheka edda-aara am ervaunɗe á Dadaamiya ɗekideki.

4

*Tara Yaisu an mukse á *Samariya*

¹ Cenaráncena *Farisa-aha geni Yaisu anƙwa á magaterá baptisma ge emnde kwakya, ma emnde keni vayya ba emnde-aara arge emnde á Yuhanna.

² Cenánçena Yaisu elva-aatare bademme. Ge jirire wá, Yaisu an ire-aara magannaaka bap-tisma ge ura, tá maganá ba pukura-aha-aara.

³ A cenaa ba elva á *Farisa-aha ñanna Yaisu wá, a naba tsete am kwára á Yahudiya ñanna bademme, ge eptsá á dem kwára á Galili.

⁴ Ge dem Galili ñanna maa, sey á degáshe am huđe á *Samariya praatte.

⁵ Daada am ekse umele tá dáhána an Sikar am kwára á Samariya maa, anƙwa fe ndza a vantaa Yakubu ge egdza-aara Yusufa áte iga a ekse ñanna.

⁶ Anƙwa suwa ndza a yanaa Yakubu werre am fe ñanna. Daaci a duhe ge Yaisu, a de njehe áte we á suwa ñanna adaba kuđukkuđe vuwa-aara ge zlalá. Am sarte ñanna keni hyephye vacitire.

⁷ Ay samsa mukse á emnde a Samariya a se ká yawe maa, «Viteva yawe yá shushe», a ba Yaisu á elvan ge ñane.

⁸ Am sarte ñanna zlarzlalá pukura-aha-aara, ta de shekwa náza za am huđe á ekse.

⁹ A ba mukse na á elvan ge ñane: «Ká ura a Yahudiya ni, ká ndaviyu yawe ge iya ya mukse a Samariya? Yá vakteva ká essha?» (A ndaa una mukse na wá, adaba tá gyaaveka Yahudiya-aha antara Samariya-aha.)

¹⁰ A ba Yaisu á elvan ge ñane: «Ba diyanƙire ka wá, ma andze diyakdiya duksa na ni á vaterta Dadaamiya ge emnde, antara edda una náwa á ndavaku yáwe á sha na wá, baira ma ká ndavanuwa ba ka, ma ká shánsha yawe na á fá shifa am ura na.»

11 A ba mukse na á elvan ge ɲane: «Ká káná an uwe kwa eddaaye? Ganta á ɲa keni baaka, suwa slacɗe vayvaya, ká sháná estara yawe á shifa ɲanna ká ndaná ka na?

12 Ekka jakuje ge eggyeɲere Yakubu na a yanɲer suwa na emtu? ɲane, egdzara-aara ira walde-aha-aara bademme ta shaa ba yawe á suwa na!»

13 A ba Yaisu á elvan ge ɲane: «Bademme á názena á shá yawe á suwa, ndera keni ba á wanwa zlaɓe ádaliye.

14 Amá edda una a shu yawe na yá vanta ya wá, á wanka ndera mazla-aara. Adaba yawe ɲanna yá vantá ya na á de nyev suwa am ɲane, suwa ɲanna á vante shifa na á zleka na ge edda-aara.»

15 A ba mukse na á elvan ge ɲane: «Viteva ka yawe ɲanna eddaaye, geni a wika ndera mazla-aara, yá shansha ire-aaruwa ge se ka yawe áhuna.»

16 A ba Yaisu á elvan ge ɲane: «De dantedfaha kwa zhele á ɲa, kwá sawa kerɗe.»

17 «Baaka zhele-aaruwa», a ba mukse na á elvan ge Yaisu. «Baaka zhele á ɲa a ba ka na wá, ndaksenda jirire», a ba Yaisu á elvan ge ɲane.

18 «Adaba zala-aha á ɲa miyenne ka gateraa ka wá, tá ilyebe, amá zhel na ká am mba-aara kina na zhele á ɲa ka. Baaka fida am elva á ɲa na.»

19 A ba mukse na: «Kina wá, diyandiya ganakini ka nabi eddaaye.

20 Ká cenáncena emtu ndza ba werre keni eggye-aha á ɲere ta kezlan ugje ge Dadaamiya á ba áte wa na náwa ɲane na, amá á ba kure Yahudiya-aha sey Urusaliima palle una tate á kezlan ugje ge Dadaamiya.»

21 A ba Yaisu á elvan ge ɲane: «Náwa yá ndaaka elva emmaaye, eccena ba shagera: Anƙwa á sawa sarte umele wá, tate á kezlan ugje ge Dadaamiya watse áte wa na ka palle, am Urusaliima ka palle.

22 Kure Samariya-aha wá, ma kwá kezlan ugje ge ware keni diyakurka. Amá ɲere Yahudiya-aha wá, diyaɲerdiya edda una ni ɲá kezlan ugje ɲere. Adaba slelya ura á jesaare á ba dagave á Yahudiya-aha.

23 Amá anƙwa á sawa sarte umele, ba kina keni samsa sarte ɲanna, emnde tá de kezlan ugje ge Dadaamiya na Dada ba ɲane na, an hákuma á Sheɖekwe Cudɖɖe, tá de kezlan ugje á ba an jirire. Adaba Dadaamiya wá, á kátá emnde na ni tá kezlan ugje áte una ɲanna.

24 Dadaamiya wá, Sheɖekwe, emnde na tá kezlan ugje keni a kezlarankezla an hákuma á Sheɖekwe Cudɖɖe, a kezlarankezla á ba an jirire.»

25 A ba mukse na á elvan ge ɲane: «Diyandiya watse á sawa *Almasiihu, watse á se palanernaapálá ɲane sera á duksa baɖemme.»

26 A ba Yaisu á elvan ge ɲane: «Ba iya Almasiihu ɲanna yá ndaka elva na.»

27 Am sarte ɲanna, pukura-aha á Yaisu keni saremsa mazla-aara. Tá maga najipu-aara itare, Yaisu anƙwa á nda elva antara mukse na. Amá baaka ura a ndaana elva ge mukse na, geni ká kátá uwe ázeɲara, baaka edda una a banán ge Yaisu geni a jakurma uwe antara mukse na.

28 Daaci mukse na a naba belaa hwámá-aara áhuwa, a eptsehe á dem huɖe á ekse, a ba ɲane

á elvan ge emnde:

²⁹ «Sawmbare emtsaade, nawanaana zhele umele náwa nane áhuna, a balise názena ndza ya maganaa ya bademme, watse *Almasiihu nara emtu estara?»

³⁰ Estuwa kelá á emnde á sawa am huđe á ekse, tá ankwá deza Yaisu.

³¹ Am sarte na ni eptsapta mukse na á de dafa emnde am huđe á ekse, a ba pukura-aha tá elvan ge Yaisu: «Sawa seke zuze egdza náza za malum!»

³² Amá a nwaterante: «Ankwá náza zá-aaruwa, dafa na ni diyakurka kure na.»

³³ A ba pukura-aha am dagave-aatare «Watse ankwá ura a sanaa náza za emtu?»

³⁴ A ba Yaisu á elvan ge itare: «Náza zá-aaruwa nanna wá, ba fansaare ge edda una a belibela na, antara mága slera na a fiyaara nane na bademme.»

³⁵ A ba nane á elvan ge itare zlađe adaliye: «A ba palle á naraje-aha á kure: Zlađe a juwa tere ufade lauktu tá ica hiya. Amá názena yá bakurná iya wá: Zharawanaazhárá emtsaade fe ba shagera, duksa bademme naavene kyanje, herzhe icica-aara.

³⁶ Edda una á ica hiya wá, á ba ankwá mbera-aara, á jáhá hiya nanna á dem tate á shifa na á zleka na. Daaci tara sleja hiya antara edda una á icica tá de higa bademme.

³⁷ Ankwá naraje umele zlađe adaliye, a ba nane: Á janá ura umele, icica keni á icaná ura umele. Naraje nanna jire.

³⁸ Ya belákuraa á de hala duksa am fe na magakurka slera am hude-aara dekideki, ta maganaa ba emnde umele, amá kwá tapaná kure emtakire á slera-aatare.»

³⁹ Kwakya emnde a *Samariya na tá am ekse ñanna fartarfe áte Yaisu, adaba elva na a de baternaa mukse ñanna a ba ñane: «A balise názana ndza ya maganaa ya bademme.»

⁴⁰ Adaba una ñanna, am sarte na saremsa emnde a Samariya áseza Yaisu, ta enñála geni a haraare ázetáre. A naba eksarhe ge Yaisu, a gaa hare buwa.

⁴¹ Emnde kwakya zlafe adaliye fartarfe áte ñane, adaba názu ta cenanaa am waazu-aara.

⁴² A ba itare tá elvan ge mukse na: «Kina wá, ñá fetaare adaba elva á ña ka palle, ñá fetaare áte ñane adaba ña cenevaa á ba an hyema á ñere elva am mbuwe-aara. Diyanerdiya ba jirire geni slelya duniya ba ñane.»

Yaisu mbanaambe egdza á ura umele

⁴³ Yaisu a magaa hare buwa am tate ñanna maa, mazla-aara a naba tse, a zlalá á dem kwará á Galili.

⁴⁴ Adaba ba ñane an ire-aara keni a bánba geni nabi á shanka ngáhire am eksa-aara ba ge ñane.

⁴⁵ Amá ba daadá-aara am Galili wá, emnde a Galili ta lyiyanaa á ba an erva buwa, adaba itare keni ta duwa á de maga muñri am Urusaliima, daaci naránna itare keni názena a maganaa Yaisu am muñri ñanna bademme.

⁴⁶ Daaci Yaisu a daliye zlafe adaliye á dem Kána, ekse na ndza a nyanve yáwe, a ganve mbazla am hude-aara na. Ay ankwá ura male,

a fanaa ngumna, á njá am Kafarnahum maa, lapika egdza-aara.

⁴⁷ Cenáncena ura male na ganakini saasa Yaisu á sa am Yahudiya, anƙwa am Galili, a naba dezeńara: «Tasle á ɲa dábídába á dem Kafarnáhum, ká de mbanaambe egdza-aaruwa, shifa a juwa ba cekwa am ɲane», a bina.

⁴⁸ A ba Yaisu á elvan ge ɲane: «Palle ura á fetaare áte ya am dagave á kure na baaka dekideki, máki nakuránka najipu-aha.»

⁴⁹ A ba zhel na: «Mi zlala kwa á dem mbaaaruwa Yaakadada, a zlauka shifa am egdzere!»

⁵⁰ «Ezzlálá á dá, baaka duksa áte egdza á ɲa», a ba Yaisu á elvan ge ɲane. ɲane a naba fetaarehe áte elva na a ndaana Yaisu na, a naba dá-aara.

⁵¹ ɲane keni anƙwa á da wá, ta jaa ire antara walaadi-aha-aara, «Mbaambe egdzere ba lapiya layye», a ba itare tá elvan ge ɲane.

⁵² A ndavateruhe: «A shánaa am sartera ngulmire?» A ba itare tá elvan ge ɲane: «Deydey zura awaya wá, belanaabelá zlagzlagi.»

⁵³ Amá eddarge egdzere wá, a naba diyeddiye geni egdzere a mbe á ba am sarte na a bannaa Yaisu ezzlálá á dá, baaka duksa áte egdze á ɲa na. Daaci ɲane antara huđe á há-aara bademme fartarfe áte Yaisu.

⁵⁴ Kwaya ɲane buwire á najipu na a maganaa Yaisu am kwára á Galili, a maganaa am sarte na saasa á sa am Yahudiya.

Yaisu mbanaambe ura nguryekwe

¹ Am iga á una nanna maa, gyaregya muñri á nadina am Urusaliima, tá ankwá duwa Yahudiya-aha. Yaisu keni a duhe.

² Urusaliima wá, an bela am dala bademme an wakiya-aha gergere. Ankwá derve yaikke herzhe an wakiya na tá daháná an wakiya á kyawe-aha na. Ta jantaave ge derve nanna an bere-aha ilyeße. Zhera á derve nanna Baytijaata an elva á Ibraniñkau-aha.

³ Daaci bademme á ekte á bere-aha nanna ba emnde na lapika vuwa-aatare, wulfe-aha, emnde a dere, antara nguryekwe-aha. ((Tá ufa gejawa á derve nanna.

⁴ Adfaba an wapaka, á tsekwa malika á Dadaamiya á sem derve nanna, daaci bademme á yáwe á gejawa. Daaci am iga á gejawa á yáwe nanna, ma a tsekwemaa ware zuññwe keni á mbembe edda-aara ma á waná uwe keni.))

⁵ Ankwá ura umele á ba am dágave-aatare nanna, yáwe kul keye ju tiise á ba áte lapikere.

⁶ Am sarte na damda Yaisu, á zhárá zhel nanna á zlava. Am diyaadiya ganakini haraare lapikere-aara, a naba ndaan elva: «Wayak-wáyá emtu ká mbembe ba lanñe?», a ba nane, á elvan ge nane.

⁷ A ba zhel na á elvan ge nane: «Á eksitá ware-aaruwa kwa á dem derve am iga a gejawa á yáwe malum-aaruwa? Ba kelaa má yá wawa ge duwa, caare ba damda ura umele zuññwe arge iya.»

⁸ A ba Yaisu á elvan ge nane: «Ettse, fadantefádá buce á ña, ezzlálá á da.»

⁹ Kertenj a naba mbehe, a tsetehe, a faɗante buce-aara, anƙwa á zláá ba uwe keni á maganƙa.

Amá vacite ɗanna wá, kwaskwe á puwansepuwe.

¹⁰ Adaba una ɗanna, a ba male-aha á Yahudiya-aha tá elvan ge zhel ɗanna: «Vatena kwaskwe á puwansepuwe, an piya am *tawraita ganakini ká sepa buce á ɗa vatena ge da.»

¹¹ A ba zhel na á elvan ge itare: «Iya a binaa ba edda una a mbiyaahe na ettse, faɗantefáɗá buce á ɗa, ezzláá á dá.»

¹² Ta ndavanuhe, a ba itare tá elvan ge ɗane: «Ware ɗane edda una ni a bakaa faɗantefáɗá buce á ɗa, ezzláá na?»

¹³ Zhel na a mbanaa Yaisu na keni, diyaaka edda una ni a mbanaa am lapikere ɗanna. Adaba a zláá watsewatse Yaisu am tate ɗanna, a kuva kwakyire á emnde.

¹⁴ Shekwaashekwa maa, Yaisu a duhe ádeza dawale ɗanna am *mashidi yaikke. A ba ɗane á elvan ge ɗane: «Kina wá, mbákmbe. Manƙa haypa mazla-aara geni a shaƙa una jauje ge una ɗanna.»

¹⁵ Mazla-aara a naba disehe geni ndza a tsantaa ɗane áte lapikere na, a de ba áza mala-aha á Yahudiya-aha, a ba ɗane á elvan ge itare: «Ndza a mbiyaa ba Yaisu am lapikere-aaruwa.»

¹⁶ Adaba una ɗanna, male-aha á Yahudiya-aha ta naba gwarhe ge Yaisu an elva, geni a magán ge uwe una an kwaskwe á puwansepuwe.

¹⁷ Amá a ba Yaisu á elvan ge itare: «Edderwa wá, ma vaatara keni á maga ba slera. Adaba una

ɲanna, iya sey ba yá emmaga.»

¹⁸ Elva-aara ɲanna a de vaterte ba ɲgwáǵáva zlaɓe áǵaliye geni sey tá janaaja shifa-aara. Adaba a ba itare: «Faaka zherwe áte kwaskwe á puwansepuwe-ka palle, a bantsa ɲane, Dadaamiya Eddenjara, a ganve ire-aara kalkale an Dadaamiya.»

*Hákuma á *Ura á emnde baɓemme*

¹⁹ A ba Yaisu á elvan ge itare zlaɓe áǵaliye: «Yá ndaakur ba jirire: Baaka názu yá maganá iya an ire-aaruwa ya Egdzere, sey ya naaná á ba áza Edderwa. Baɓemme á názena ni á maganá Dada, Egdzere keni á maga ba ɲane una ɲanna.

²⁰ Adaba Dada wayawáyá jipu an Egdza-aara. Anƙwa á kwanse názena á maganá ɲane baɓemme. Duksa yaikke a jauje ba ge una keni watse á kwansekwere. Á tsaame najipu na watse kwá maganá kure.

²¹ Ba seke una ni Edderwa anƙwa á tsatertetse emnde na ba seke tá an emtsa, anƙwa á vaterte shifa na wá, Egdza-aara keni ba estuwa, a naba vante shifa ge edda una á kataná ɲane.

²² Baaka edda una ni á de kyáná Edderwa shairiya-aara. Baɓemme á shairiya a fanem am erva ge Egdza-aara.

²³ A magaa una geni emnde baɓemme a farfa zherwe áte Egdza-aara keni, ba seke una tá anƙwa fáná áte ɲane na. Edda una faaka zherwe áte Egdzere wá, faaka á ba áte Eddenjara na a ɓelanaa na ɲane na.

²⁴ «Yá ndaakur ba jirire: Ma ware una a cenvaa elva-aaruwa, a fetaarehe áte edda una a

belibela na, edda-aara shánsha shifa na á zleka na. Baaka shairiya áte edda-aara dekideki, ñane dedde am emtsa, daada am tate á shifa na á zleka na.

²⁵ Yá ndaakur ba jirire: Ankwa á sawa sarte umele, ba kina keni ba seke samsa. Am sarte ñanna wá, emnde na ba seke tá an emtsa na watse tá cenáncena kwára á *Egdza á Dadaamiya. Ma a cenanaa ware kwára-aara keni á gevge an shifa.

²⁶ Ba seke una ni an hákuma Edderwa ge tsante ura, á gev an shifa na wá, a vante hákuma ge Egdza-aara keni, geni á tsante ura, á ganve an shifa.

²⁷ A vante hákuma á kyá shairiya ge Egdza-aara keni, adaba Egdza-aara ñanna *Ura á emnde bademme.

²⁸ Magauka najipu á una ñanna dekideki. Adaba ankwa á sawa sarte umele, ba emnde na tá an emtsa, tá am irekhye keni, watse tá cenáncena kwára-aara,

²⁹ watse tá sesse. Emnde na ni ndza ta magaa shagerire na, watse tá tse ge shaa shifa na á zleka na. Amá emnde na ndza ta magaa shagerkire wá, itare watse tá tse ge dem zlada.»

*Seyde-aha á Yaisu *Almasiihu*

³⁰ A ba Yaisu zlaɓe adaliye: «Iya an ire-aaruwa wá, ba uwe keni yá dzegwánka emmága-aara, sey má biyánba Dadaamiya. Daaci shairiya na yá kyáná ya wá, shairiya a jirire. Adaba yá kyáná áte una yá kataná ya-ka, yá kyáná áte una á kataná edda-una a belibela.

³¹ Máki ya seyde á ire-aaruwa ba iya, tá dise estara kena emnde jirire-aaruwa?

³² Amá anƙwa ura umele sleseyde-aaruwa ɗane. Diyandiya seydire na á maganá ɗane áte ya jirire.

³³ Ndza kwa belaa emnde á deza Yuhanna, ɗane keni maganaamaga seydire áte edda una ni ɗane jirire na.

³⁴ Yá anƙwa sá elva á Yuhanna antara seydire-aara á sem ire á kure na wá, ba geni kwá shánsha sawari, kwá lyelya shifa á kure. Iya ya baaka an wedere á seydire na á maganá urimagwe áte ya.

³⁵ Yuhanna wá, ɗane ndza ba seke parakkire, ndza á mbe am dágave á kure, ndza kwa higa an ɗane am sarte cekwaangudi.

³⁶ Iya wá, anƙwa seydire yaikke áte ya, jauje ge una a maganaa Yuhanna. Slera na a beliyaa Edderwa ge ɗane, yá anƙwa maganá ya na wá, á maganá ba slera-aaruwa ɗanna seydire áte ya, geni ya slebela á Dadaamiya.

³⁷ Ba Edderwa ɗanna a belibela na keni maganaamaga seydire-aara áte ya, amá kure cenakuránka kwará-aara, nakuránka ɗane an ice á kure keni.

³⁸ Daaci ɗakurnaaka elva-aara am kure, adaba fakurtarka áte Egdza-aara na a belanaa ɗane.

³⁹ Kwá anƙwa ndá wakita á Dadaamiya, adaba anƙwa am ire á kure geni watse kwá shá shifa na á zleka na. Ay degiya wakita á Dadaamiya ɗanna á ndá ba elva-aaruwa.

⁴⁰ Aley kure wayakurka sezerwa ganakini kwá shánsha shifa ba jirire.

41 «Yá kátá yaikkireka ya áza emnde.

42 Amá duksa palle wá, am ervaunđe á kure wá, wayakurka kure an Dadaamiya đekideki.

43 Iya, ya sawa an elva á Edderwa, liyakurika đekideki, amá má samsa ura umele á ba an ire-aara wá, kwá ellyiya.

44 Ma ware á kure keni á kátá ba gálá áza emnde, kwá pańka ni á galákurá ba Dadaamiya palle. Ay una ni, kwá fetaare estara kena áte ya?

45 Amá bawánka zlađe am ervaunđe á kure, geni watse yá de icakuraare sera áza Edderwa. Edda una watse á de icakuraare sera wá, Muusa na kwa fetaare kure an ńane na.

46 Amá ma andze fakurtarfe áte Muusa ba jirire wá, iya keni ma kwá fetarfe áte ya. Adaba názena a puwetaa Muusa na á ndá ba elva-aaruwa.

47 Am fakurtareka áte názena a puwetaa ńane, kwá fetaare estara kena áte elva na yá ndaná ya?»

6

Yaisu a zateru náza zá ge zala debu ilyebe

(Mat. 14:13-21; Mark. 6:30-44; Luka 9:10-17)

1 Am iga á una ńanna maa, a tsetehe ge Yaisu, a zlalehe a dete iga a guwa á Galili. Tibariyas keni tá đáhá ba háye na am guwa ńanna.

2 Emnde kwakya ta đabemhe á dem tate ńanna, adaba naránna najipu-aha na a maganaa ńane, a naba mbateraahe emnde na lapika vuwa-aatare.

3 Yaisu antara pukura-aha-aara ta đaletaa áte egdza wa, ta de njehe.

⁴ Muṅri á Yahudiya-aha na tá daná an *Paska na keni herzhavteherzhe.

⁵ Yaisu a kante ice wá, á zhárá ba dikele á emnde tá ankwá dezeńara. A ba ṅane á elvan ge Filip: «Mí de sháná áme náza zá na á se hyaterhye ge emnde na?»

⁶ A ndán ba ge cena názu am mbuwe á Filip ka wá, ṅane diyaadiya názena ni watse á maganá ṅane.

⁷ A ṅwanante ge Filip, a ba ṅane á elvan ge ṅane: «Ma mi shekweve náza zá á gursa deremke keni á hyeteka dekideki áte emnde, máki má kátá ma ware-aatare keni a shánsha cekwa.»

⁸ A ba Andere egdza emmenjara ge Simaun Piyer, palle á pukura-aha-aara, a ba ṅane á elvan ge ṅane:

⁹ «Náwa ankwá egdze umele áhuna an depaiṅ ilyeḃe antara kelfe buwa, amá keni á magaterá uwe kena ge dikele á emnde na?»

¹⁰ Daaci a ba Yaisu á elvan ge pukura-aha-aara: «Bawateránba ge emnde a njarinja bademme áte másá.» Adába kwakya másá am tate ṅanna shagera ge nja átekwa. Tá naba njehe ge emnde, kezlakula á zála á maga debu ilyeḃe.

¹¹ Yaisu a lyevaa depaiṅ na, a slafan we-aara ge Dadaamiya, daaci a kazlanve, a tegateraa ge emnde na tá njanja áte másá na. Arge kelfe keni a magán ba estuwa. Bademme á emnde zaruze á ba áte huḃe-aatare.

¹² Hyaterhya ge emnde bademme maa, a ba Yaisu á elvan ge pukura-aha-aara: «Jawanmárje ge jugena-aara na bademme, a badzevka ba palle keni.»

¹³ Depainj ilyebe nanna á hyaterhe ge emnde, baira jauje. Jarantejáhá jugena-aara, a netaa kenday sadfadde kelaawa ju buwa.

¹⁴ Naránna emnde najipu na a maganaa Yaisu maa, a ba itare ba parakke: «Zhel na wá, ba jirire ba nane nabi na ta bantsa watse á sawa á sem duniya na.»

¹⁵ Daaci diyeddiye Yaisu ganakini watse tá se fáná am sleksire á ba áte laarire, a zlalehe zlafe ádaliye á dete ire á egdza wa, ba nane palle.

Yaisu á zlala an sera áte haya.

(Mat. 14:22-23; Mark. 6:45-52)

¹⁶ Eblyabelya vaciya maa, ta tsekwese ge pukura-aha-aara á sawa áte wa, ásete we á haye,

¹⁷ ta demhe am paare á yawe ge dem Kafarnáhum. Gevge vayiya, amá zlafe samka Yaisu emtsaadfe.

¹⁸ A tsetehe ge válale, bademme á haye á vaza.

¹⁹ Bakarvaabáká paare, á maga kilaumaiter ilyebe, ma unkwaha keni wá, tá zhárá ba Yaisu am iga-aatare, á zlála áte yawe, á dezetare tá am paare na. Daaci bademme-aatare náteranja lyawa.

²⁰ Amá «A wakurka lyawa,» a ba Yaisu á elvan ge itare, «degiya ba iya.»

²¹ Ba itare keni varanteve baráma ge dem paare wá, tá zhárá ba tá áte we á guwa am tate na tá kátá demkwa itare na.

Emnde tá ankwaa a tataya Yaisu

²² Mákuralla-aara maa, ba kelaa á emnde na ta geyaa áte iga a guwa na, ta fantau ge tataya Yaisu. Amá diyardiya ganakini ndza baaka paare

umele ɔfekidɛki am tate ɲanna, sey ba palle na ta zlalaa pukura-aha an ɲane na. Diyardiya geni damka Yaisu am paare ɲanna.

²³ Daaci ta naba demhe ge paare-aha umele á da am Tibairiyas á ba á dem tate ɲanna Yaakadada a slafanaa we ge Dadaamiya arge náza za, a hyaterhe an ɲane na.

²⁴ Emnde tá ezzhara wá, ma Yaisu, ma pukura-aha-aara keni bademme ta baaka. Ta naba demhe am paare-aha ɲanna, ta zlalá á dem Kafarnahum, ta de zharanaa áhuwa.

Yaisu ɔafa na á fá shifa á jirire am ura

²⁵ Sawa-aatare wá, ta se bera Yaisu áte we á guwa. Ta ndavanuhe, a ba itare: «Ka sawa vaatara á sehuna Malum?»

²⁶ A ba Yaisu á elvan ge itare: «Yá ndaakur ba jirire: Kwá tatayiyá aɔaba ba náza za na ya zukurwa ya, kwa yanaa ba kure na. Cenakuránka ba názara keni am názena yá kátá bakurná ya an najipu-aaruwa.

²⁷ Shuɲɲulauka náza za na á shekwaaka bádza na, shuɲɲulaushuɲɲula una á badzeka ɔfekidɛki, á vante shifa na á zleka na ge ura. Náza za ɲanna yá vakurta ba iya *Ura á emnde bademme, yá vakurte an hákuma na a vita Edderwa Dadaamiya.»

²⁸ Ta ndavanuhe, a ba itare tá elvan ge ɲane: «Ŋá shuɲɲula slera-ara una á kataná Dadaamiya na?»

²⁹ A ɲwaterante, a ba ɲane «Náwa slera na á kataná Dadaamiya ázekure: slera á kure wá, ba kwá fetare áte edda una a belanaa ɲane».

³⁰ A ba itare tá elvan ge ñane: «Máki estuwa wá, marañeránmárá najipu na ni ñá diyakse átekwa geni a belakaa Dadaamiya, ñá nanaana an ice á ñere, lauktu ñá faktarfe.

³¹ Werre wá, eggye-aha á ñere ndza zaruze mannu am kaamba, aṅkwa elva-aara am wakita á Dadaamiya, a ba ñane: A vaterte náza za á sawa am samaya.»

³² A ba Yaisu á elvan ge itare: «Degiya ba mannu ñanna keni ndza a vakurtaa Muusa ka, amá náwa Edderwa aṅkwa á vakurte náza za á jirire á sawa am samaya.

³³ Adába náza za na ni á vakurta Dadaamiya na wá, ba ñane edda una a sawa am samaya na. Á vanterta ba ñane shifa ge emnde.»

³⁴ Daaci a ba itare tá elvan ge ñane: «Malum, vañerteva náza za ñanna ba kelaazare.»

³⁵ A ba Yaisu á elvan ge itare: «Ba iya una ya dafa na á vante shifa ge ura. Ma ware una a sezerwa, a fetarhe áte ya, á wanka waya antara ndera dekideki.

³⁶ Ya ndakurndáha tsa, kure keni nakurina tsa, aley fakurtareka áte ya.

³⁷ Bademme á emnde na ni a vitaa Edderwa na watse tá sáwá ázerwa. Ma a semaa ware á sezerwa keni yá banka dekideki.

³⁸ Adába sanká á sawa am samaya ge se maga názena yá kataná ya, amá názena á kataná edda una a belibela.

³⁹ Náwa názena ni á kataná edda una a belibela na: Emnde na ni a vitá ñane na, yá kefanaaka ba palle keni. Am halavuwa á duniya, yá tsatertetse bademme am faya.

⁴⁰ Názena á kataná Edderwa wá, bademme á emnde na ni ta naa ya Egdza-aara, ta fetarhe áte ya na, tá shansha shifa na á zleka na. Am halavuwa á duniya, yá tsatertetse am faya.»

⁴¹ Daaci farantaufe Yahudiya ge wesha elva áte Yaisu, adaba a bantsa nane: «Ya náza za na a tsekwaá á sawa am samaya.»

⁴² Ta bantsa itare: «Abi Yaisu nara ba nane, ba nane una egdza á Yusufa? Diyanerdiya tara eddenara an emmenara. Ay ni a ba nane a sawa am samaya?»

⁴³ A ba Yaisu á elvan ge itare: «Weshauka elva am dágave á kure ba dey.

⁴⁴ Baaka ura á dzegwándzegwa ba nane an ire-aara sezerwa, sey á tadáná Edderwa na a beliyaa á sem duniya na. Ma ware una a sezerwa keni sey yá tsantetse am faya am halavuwa á duniya.

⁴⁵ Ankwa puwatepuwa nabi-aha, a ba itare: Dadaamiya watse á kwaratersekwere ba nane elva-aara ge emnde. Daaci edda una máki faafa hyema am elva á Edderwa nanna, lyevaalya wá, nane á sáwá ásezerwa.

⁴⁶ Una á banka ganakini ankwa ura nanna Dadaamiya. Baaka dekideki. Sey edda una a sawaa am samaya na. Nane wá, nanna adaba Eddeñara.

⁴⁷ «Yá ndaakur ba jirire: Ma a fetaare ware áte ya keni, shánsha shifa na á zleka na.

⁴⁸ Ba iya una ya dafa na á fá shifa á jirire am ura na.

⁴⁹ Eggye-aha á kure ta zu dafa na tá dnaná

an mannu na am kaamba, aley keni ba emt-saremtsa.

⁵⁰ Amá náwa dafa na ni a tsekwa á sawa am samaya, ma a zuwaa ware dafa nanna keni a emtseka d'ekideki.

⁵¹ Ba iya una ya dafa nanna a tsekwa á sawa am samaya, á vante shifa ge ura na. Ma a zuwaa ware dafa nanna keni á shánsha shifa na á zleka na. Dafa nanna yá vantá ya na wá, vuwa-aaruwa ba ge iya, yá vanterte ge emnde a duniya bademme, ganakini tá shánsha shifa an nane.»

⁵² Elva nanna a tsante elva yaikke am dágave á Yahudiya-aha. A ba itare am dágave-aatare: «Á vamite estara vuwa-aara geni mí ezza na?»

⁵³ A ba Yaisu á elvan ge itare: «Yá ndaakur ba jirire: Máki zakuruka hyuwa á vuwa-aaruwa, shakuruka uzhe-aaruwa, iya *Ura á emnde bademme, kwa baaka an shifa am kure d'ekideki.

⁵⁴ Edda una á zá hyuwa á vuwa-aaruwa, á shá uzhe-aaruwa keni wá, shánsha shifa na á sleka na, am halavuwa á duniya yá tsantetse edda-aara am faya.

⁵⁵ Adaba ba iya una ya dafa á jirire, uzhe-aaruwa keni náza shá á jirire.

⁵⁶ Daaci ma ware una anƙwa á zá hyuwa á vuwa-aaruwa, anƙwa á shá uzhe-aaruwa, edda-aara nanna slenja á ba áte vuwa-aaruwa, iya keni yá anƙwa antara nane.

⁵⁷ Edderwa na a beliyaa nane na wá, edda á shifa ba nane, a njiyaa ba nane an shifa. Ba duksa palle ge edda una á zá hyuwa á vuwa-aaruwa keni, yá njanaanja edda-aara an shifa.

58 Una ɲanna ɗafa á jirire na ni a tsekwaá á sawa am samaya; gergere antara una ndza ta zanaa egghe-aha á kure am kaamba werre. Itare sharánka shifa a jirire an ɲane. Amá ɗafa na yá teganá ya wá, ma a zuwaa ware keni á shá shifa na á zleka na an ɲane.»

59 Elva-aha ɲanna a kwaratersaa Yaisu ge emnde am *mashidi á Yahudiya-aha am Kafar-nahum.

Elva na á fá shifa a jirire am ura

60 Am iga a elva ɲanna maa, emnde kwakya á ba am emnde a ɗaba Yaisu, ta bántsa: Elva na degdege, á dzegwánka ura.

61 Náanna Yaisu ganakini tá wesha elva emnde a ɗaba ɲane am dagave-aatare, a ba ɲane á elvan ge itare: «Á wákurá ba elva-aaruwa na emtu am ervaunɗe?

62 Má watse nakuránna aɲkwa á zlalá *Ura á emnde baɗemme á dem tate na ndza a sawa átekwa mu, watse kwá bá uwe?

63 Á vantá ba Sheɗekwe á Dadaamiya shifa ge ura. Slera á emndimagwaha an ndzeɗa-aatareka una. Daaci elva-aaruwa na yá aɲkwa á bakurná ya na wá, Sheɗekwe ɲara ba ɲane, shifa ɲara ba ɲane.

64 Amá tá aɲkwa emnde na fartarka am ɗagave á kure.» Aɗaba á ba am fantaufe keni Yaisu diyaadiya emnde na watse tá fetareka na, diyaadiya edda una watse á de vela ɲane keni.

65 A farhe zlaɓe ádaliye, a ba ɲane: «Ya bakurnaa aɗaba una ɲanna, a ba iya, baaka ura

á dzegwándzegwa ba ɲane an ire-aara sezerwa, sey máki a taɗanaa Edderwa.»

⁶⁶ A fantau á ba am sarte ɲanna, emnde a fetarfe kwakya ta yaa ɗaba Yaisu, zlalarka antara ɲane mazla-aara.

⁶⁷ A ba Yaisu á elvan ge pukura-aha-aara kelaawa ju buwa: «Kure keni kwá kátá yiya emtu?»

⁶⁸ A ɲwanante ge Simaun Piyer, a ba ɲane á elvan ge ɲane: «Yaakadada, ɲá shá shifa na á zleka na á ba am elva á ɲa palle, ɲá de ɗaba ware umele?»

⁶⁹ ɲere wá, fanertarfe. Aɗaba diyaɲerdiya ganakini ba ka una ka sáwá áza Dadaamiya, ka cufedfe.»

⁷⁰ A ba Yaisu á elvan ge itare: «Kwa emnde kelaawa ju buwa na, ábi ya dzerakursaa ba iya? Ay anƙwa ura palle am kure, ɲane ura á shaitaine.»

⁷¹ Una ɲanna wá, a ndanaa áte Yahuda egdza á Simaun Iskariyaut. Aɗaba Yahuda ɲanna, ɲane keni ba palle á pukura-aha á Yaisu kelaawa ju buwa tsa, amá a velanaa ba ɲane Yaisu.

7

Egdzar mama-aha-ɲara ge Yaisu fartareka áte ɲane

¹ Am iga á una ɲanna maa, Yaisu anƙwa á já ɗaba á ba am kwára á Galili, wayaaka de nja am Yahudiya mazla-aara, aɗaba Yahudiya-aha tá anƙwa tsagwaɗa ba ɲane ge ja ba shifa-aara.

² Herzhapteherzhe muɲri á Yahudiya-aha na tá ɗaháná an muɲri á *bere á kacakaca maa,

³ a ba egdzar mama-aha-ɲara tá elvan ge ɲane: «Yánya dágave na mazla-aara, tsetse ezlálá á dem Yahudiya, a de naránna emnde á ɲa na tá áhuwa keni slera á ɲa.

⁴ Adaba edda una ni á kátá emnde baɗemme tá diyeddiye ɲane wá, á shebeka ire-aara. Ábi ká maga najipu-aha á ba ka? Shagera ba ká de maganaamaga una ɲanna á katafke á nalga á emnde wá, lauktu tá diyaksediye.»

⁵ Ba egdzar mama-aha-ɲara keni fartareka áte ɲane ɗekideki.

⁶ A ba Yaisu á elvan ge itare: «Náza á kure wá, ma sarte-ara keni baɗemme ba shagera. Iya wá, yá duka á dem muɲri ɲanna, adaba zlaɓe samka sarte-aaruwa emtsaade.

⁷ Kure wá, emnde a duniya tá dzegwánka fákurá áte kelaadire. Amá iya wá, wayarika emnde a duniya, adaba yá mára shagerkire á slera-aatare á segashe.

⁸ Ekkure wá, daumbare á dem muɲri. Amá iya wá, yá duka adaba zlaɓe samka sarte-aaruwa emtsaade.»

⁹ A ndaterse una ɲanna, a njehe am kwára á Galili, ɲane zlalaaka.

*Yaisu am muɲri á *bere-aha á kacakaca*

¹⁰ Zlarzlálá egdzar mama-aha-ɲara á de zá muɲri ɲanna maa, shebanve ire-aara atuge ice-aatare ɲane keni a duhe á dem muɲri ɲanna, amá wá, marateranka ire-aara ge emnde.

¹¹ Male-aha á Yahudiya-aha tá aɲkwa tataya ba Yaisu am muɲri ɲanna, tá aɲkwa enndáva am dágave á emnde: «Kwa naaná áme Yaisu?»

¹² Daaci bademme á emnde am muñri ñanna, tá ndáhá ba elva á Yaisu am dágave-aatare an gá kwárá. A ba emnde umele: «Yaisu ñanna wá, ura maggwe.» A ba emnde umele: «Zhel ñanna slekeða emnde.»

¹³ Amá bademme á una ñanna tá ndaaná á ba an ila, adaba tá kuva a cenaaraterka male-aha á Yahudiya-aha.

¹⁴ Amá am dagave á muñri wá, tá zhárá ba dámda Yaisu á dem *mashidi yaikke am Urusaliima, ankwá á ndater elva ge emnde.

¹⁵ Tá maga ba najipu-aara Yahudiya-aha. Ta bántsa itare: «Zhel na mu a shanaa áme ñane diya estuwa na, wallá a ndaase laya á malumireka, uweka?»

¹⁶ A ba Yaisu á elvan ge itare: «Elva na yá tsakaná ya na wá, yá ndaaná ya an ire-aaruka, elva-aha ñanna á sáwá áza Dadaamiya na a belibela na.

¹⁷ Edda una ni á kátá mága názena á kataná Dadaamiya wá, á naba diyeddiye elva-aaruwa na, tara a sawa áza Dadaamiya, an tara yá ndaaná ba iya an ndzedfa-aaruwa keni.

¹⁸ Edda una ni á ndáhá ba elva á ire-aara, á kataná yaikkire ge ire-aara. Amá edda una á kataná yaikkire ge edda una a belanaa ñane wá, slejirire ba ñane, baaka zlerma am ñane dekideki.

¹⁹ Sakuránka Muusa *tawraitá emtu? Ay ábi ba palle á kure keni baaka edda una dábatedfaba shairiya-aha na am hufe-aara. Ya gu uwe kena kwá kátá jija na?»

²⁰ A ba emnde na tá am jáháva, tá elvan ge

Yaisu: «Ká an shaitaine emtu? Ware ñane á kátá jagja na?»

²¹ A ba Yaisu á elvan ge itare: «Ya magaa ba slera palle an kwaskwe á puwansepuwe, amá bademme á kure kwá maga ba najipu-aara.

²² A ba Muusa am *tawraitá wá: Kwá belá egdzere am shedekwe am hare ge tiisire. Ge jirire wá, a fantauwa Muusa ka, ta fantau am eggye-aha á kure werre. Adaba elva á Muusa ñanna wá, kwá anƙwa belá egdzere am shedekwe ma an kwaskwe á puwansepuwe keni.

²³ Má kwá anƙwa maga una ñanna an kwaskwe á puwansepuwe geni a badzevka tawraitá á Muusa, sakwa ura lapika vuwa-aara emtu? Labára kwá ica ervaunƙe áte ya geni labára ya mbá ura an kwaskwe á puwansepuwe, ura lapika vuwa-aara tsa?

²⁴ Yawánya mága jeba una. Zharauka kure názena áte iga na, amá magaumága jirire.»

*Watse ba Yaisu una *Almasiihu na emtu?*

²⁵ A ba emnde a Urusaliima: «Edda una tá tatayán ge ja ba shifa-aara na ñane ka una?

²⁶ Anƙwa á ndá elva-aara ba parakke mazla-aara, baaka ura á piyantepiya. Watse diyared-diye male-aha á miya ganakini ba ñane una *Almasiihu ka?

²⁷ Amá keni estuweka. Má watse samsa Almasiihu wá, watse baaka ura á diyeddiye tate na a sawa átekwa. Amá náza á zhel na diyamidiya bademme tate na ni á sawa ñane átekwa.»

²⁸ Am sarte ñanna maa, Yaisu anƙwa á ndater elva ge emnde am *mashidi yaikke. A kante kwára, a ba ñane á elvan ge itare: «Kina

diyakuridiya emtu ba jirire? Diyakurdiya emtu tate na ya sawa átekwa? Iya wá, sanká ba ya an ire-aaruwa, ankwá edda una a belibela, diyakurka ba kure. Edda-aara ñanna ura jirire seke ñane baaka.

²⁹ Iya wá, diyandiya edda-aara, adaba ya sawa ázenjara, a beliyaa ba ñane.»

³⁰ Tá kátá ekseksa, amá baaka ura dzegwándzegwa fanve erva, adaba zlaɓe samka sarte-aara.

³¹ Mbate kwakya emnde na fartarefe áte ñane am jáháva ñanna. Ta bantsa itare: «Una ni ta bantsa watse á sawa *Almasiihu umele, á se maga najipu-aha na á jauje ge náza á zhel na zlaɓe ádaliye?»

*Kwakwane-aha á *Farisa-aha antara male-aha á *liman-aha tá de eksa Yaisu*

³² Cenaráncena *Farisa-aha elva na tá ankwá ndaaná emnde áte Yaisu an ila maa, ta naba magaa sawari antara male-aha á *liman-aha, daaci ta naba puwaa emnde a ufa mashidi á de eksa Yaisu na.

³³ Náanna Yaisu estuwa, a ba ñane á elvan ge emnde: «Iya wá, yá haraaka kwakya ázekure mazla-aara, yá eptsá ádeza edda una a belibela na.

³⁴ Watse kwá tatayítataya, amá watse kwá shika, adaba kwá taa daaka á dem tate na yá detekwa ya.»

³⁵ A ba Yahudiya-aha am dágave-aatare: «Watse á deme kena ñane ni, miya mi taa daaka na? Watse á zláá ádeza Yahudiya-aha á miya na

zlalarzlálá á dem dágave á Yunaniṅkau-aha na, ge magateraa waazu ge Yunaniṅkau-aha ka?

³⁶ Elva na a bantsa ṅane ni, watse kwá tatayítataya, amá watse kwá shika, adaba kwá taa daaka á dem tate na yá detekwa ya, a ba ṅane na mu, á kátá ba uwe ṅane?»

Haye na á vante shifa ge ura

³⁷ Daaci kwaskwe na ni á zle muṅri ṅanna átekwa na wá, jauje ge hare-aha umele bademme am muṅri ṅanna. Vacite ṅanna maa, a tsetehe ge Yaisu, a tsaaha am dágave á emnde, a kante kwára ba shagera, a ba ṅane á elvan ge emnde: «Ma á wáná ndera ge ware keni a se shushe ázerwa.

³⁸ Ma a fetaara ware áte ya keni, a jerje háye am edda-aara, háye na ni á vante shifa ge ura á degeza am edda-aara. Una názu a ndaana wakita á Dadaamiya.»

³⁹ Yaisu á ndá elva a Shedekwe Cufedde na watse tá sháná emnde a fetarfe. Am sarte ṅanna zlaḃe sharánka Shedekwe Cufedde emtsaade, adaba zlaḃe demka Yaisu am yaikkire-aara.

Bademme an tega ye á emnde áte Yaisu

⁴⁰ Am sarte na cenarvaacena emnde a jáháva elva-aara ṅanna maa, a ba emnde umele-aatare: «Zhel na, ba jirire ba ṅane nabi na ta baa watse á sawa na.»

⁴¹ A ba emnde umele: «*Almasiihu na ba ṅane.» A ba emnde umele zlaḃe adaliye: «Almasiihu na tá enndá na á jesare am Galili ka.

⁴² Adaba a ba wakita á Dadaamiya wá, Almasiihu á de jesare á ba am dágave á emnde a jeba

á *Dawuda, á jesare am Baytilama ekse na ndza á njá amkwa Dawuda ñanna.»

⁴³ Baðemme á ye á emnde am jáháva gevge gergere am elva a Yaisu ñanna.

⁴⁴ Emnde umele am dágave-aatare tá kátá eksa Yaisu, amá baaka ura dzegwándzegwa fanve erwa.

Male-aha á Yahudiya-aha fartarka áte Yaisu

⁴⁵ Daaci eptsaraapetsa kwakwane-aha á *Farisa-aha, antara male-aha á *liman-aha na ba estuwa á dezetare. Ta de ndavateruhe ge emnde na, a ba itare tá elvan ge itare: «Labára sakuránka Yaisu na?»

⁴⁶ Tá ñwaterante ge emnde na, a ba itare: «Kay! Zhel ñanna ba vaci palle keni cenañeránka ura á ndáhá elva seke ñane.»

⁴⁷ A ba Farisa-aha tá elvan ge itare: «Kure keni watse badakurubade zhel na ka?»

⁴⁸ Kwa nanna fartarfe male-aha, antara Farisa-aha á ñere áte ñane emtu?

⁴⁹ Ábi sey tá fetaara ba ñgudfi-aha áte ñane, emnde na diyarka *tawraitá ðekideki, tá an nyainye áza Dadaamiya na.»

⁵⁰ Amá ankwá Nikaudaimus na ndza a deza Yaisu an vayiya na am dagave-aatare, ñane keni ba palle á Farisa-aha na tá áhuwa ñanna, a ba ñane á elvan ge itare:

⁵¹ «Ay degiya am tawraitá á miya wá, mi taa ñgudfeka ura ba estuwa, sey máki cenami-vaacena elva am mbuwe-aara antara názena a guwaa ñane.»

⁵² A ba itare tá elvan ge Nikaudaimus: «Ekka keni ka ura á Galili emtu a gá? Eppákyá názu

am huđe á wakita má watse ká shánsha ba palle keni nabi na a jesaare am Galili!»

((

⁵³ Am iga á una ñanna maa, ma ware keni a eksaa ba baráma de mba-aara.

8

Mukse na ta ekseva am gwardzire

¹ Yaisu wá, a dete ire á Wa Anyaranyara.

² Ba enjlya-waabere wá, a tsekwese, a eptsa á ba dem *mashidi yaikke suuwe, a de njehe, ta duhe ge emnde ádezejara, a fantau ge vaterte sera á elva.

³ Daaci malum-aha á *tawraita antara *Farisa-aha ta naba sanaa mukse ta ekseva am gwardzire, ta tsa mukse na á katafke á emnde bademme.

⁴ Daaci ta ndavanu elva ge Yaisu: «Malum,» a ba itare, tá elvan ge ñane: «Náwa mukse na wá, ña eksevaa am gwardzire.

⁵ Názu a banerna Muusa am *tawraita wá, mukse na á maga jeba una wá, ba tá ja shifa-aara an nákwá. Ekka mu ázara á ba elva á ña?»

⁶ Ta banaa una ba geni tá tsagwadáná an ñane, geni tá shánsha elva na an dzálá am mbuwe-aara. Amá a gaavehe ge Yaisu, áñkwa á puwa áte haha an gulanda-aara.

⁷ Am itare yaránka ndáva na, á kante ire Yaisu, a ba ñane á elvan ge itare: «Máki ankwá edda una ndza maganaaka haypa dekideki am kure wá, a fantaufe edda-aara zunñwe ge dzega mukse na an nákwá.»

⁸ A ndaase una ɲanna, a gaavehe zlaɓe ádaliye, aɲkwa á puwa áte haha an gulanda-aara.

⁹ Ba ta cenaa elva ɲanna wá, ta fantau ge zláálá an palpale, ta fantuwa male zuɲɲwe, a jauwa ba mukse na palle á tse á katafke á Yaisu.

¹⁰ A kante ire Yaisu, a ba ɲane á elvan ge mukse ɲanna: «Tá áme emnde na? Baaka edda una dzegwándzegwa ɲgudakɲgudfa emtu?»

¹¹ A ɲwanante ge mukse na, a ba ɲane: «Baaka degiya malum.» A ba Yaisu á elvan ge ɲane: «Iya keni yá ɲgudañka. Ezzláálá, amá dalika á maga haypa.»))

Yaisu wá, parakkire ge duniya

¹² A ba Yaisu zlaɓe ádaliye á elvan ge emnde: «Ba iya una ya parakkire ge duniya. Ma a dɓabiyaa ware keni á shánsa parakkire na á vante shifa ge ura na, edda-aara á zlaɓe am tabedammire mazla-aara.»

¹³ A ba *Farisa-aha tá elvan ge ɲane: «Ká aɲkwa á maganá ba ka seydire áte ire á ɲa na wá, elva á ɲa ɲanna jirireka dekideki.»

¹⁴ A ba Yaisu á elvan ge itare: «Ma yá maganá ba ya seydire áte ire-aaruwa keni, elva-aaruwa jirire. Adaba diyandiya tate na ya sawa átekwa, diyandiya tate na yá zláálá ádetekwa. Amá kure diyakurka ma tate na ni ya sawa átekwa, ma tate na yá zláálá ádetekwa keni.

¹⁵ Kure kwá naba icanve elva áte ura, áte una kwá kataná kure emndimagwaha, amá iya yá ɲgudeka ura dekideki.

¹⁶ Ma ya icanve elva áte ura keni, yá maganá á ba an jirire, adaba ganevka an ire-aaruwa am

elva ḡanna, amá aṅkwa Edderwa na a belibela na antara ya.

¹⁷ Aṅkwa an puwa am *tawraitá á kure, a ba ḡane: Máki seyde-aha buwa ta ndaase ba elva palle wá, elva-aatare jirire.

¹⁸ Náwa yá aṅkwa maga seydire áte ire-aaruwa. Edderwa na a belibela na keni aṅkwa á maga seydire áte ya.»

¹⁹ A ba itare tá elvan ge Yaisu «Áma eddeḡa ḡanna?» A ba Yaisu á elvan ge itare: «Ba iya keni diyakurika sakwa Edderwa emtu? Ma andze diyakuridiya wá, ma kwá naba diyeddiye Edderwa keni.»

²⁰ Kwaye ḡane elva na Yaisu a ndater ge emnde am *mashidi yaikke, am tate na tá fá sadake á nasherire átekwa na. Baaka ura a piyante elva-aara dekideki adaba zlaḡe samka sarte-aara emtsaade.

Kwá taa daaka á dem tate na yá detekwa na

²¹ Daaci a ba Yaisu á elvan ge itare zlaḡe adaliye: «Iya wá, yá zlálá, watse kwá tatay-itátaya, amá watse kwá shika. Watse kwá emtsa á ba am haypa-aha á kure. Kwá dzegwánka dem tate na yá detekwa ya na.»

²² A ba Yahudiya-aha am dágave-aatare: «Watse á de já ire-aara ka? Adaba a ba ḡane, kwá taa daaka á dem tate na yá detekwa.»

²³ A ba Yaisu á elvan ge itare: «Kure kwa jesaare á ba am duniya na, amá iya wá, ya sawa á sa am samaya. Kure kwa ba emnde a duniya na, amá iya wá, ya ura á duniya-ka.

²⁴ Ya bakurnaa adaba una ḡanna watse kwá emtsemtsa á ba am haypa-aha á kure. Adaba ba

jirire watse kwá emtsa á ba am haypa-aha kure máki fakurtaareka ganakini ba iya una Iya.»

²⁵ A ba itare tá elvan ge ñane: «Ka ware?» A ñwaterante, a ba ñane: «Ya ba edda una kwaye am fantaufe ya ndaakur ba ñane na.

²⁶ Yá an elva kwakya ge ndanaa áte kure, ba jirire kwá taa ñezleka am elva ñanna. Amá bademme ba jirire. Adaba yá ndaakur ba názena ya cenanaa áza edda una a belibela na.»

²⁷ Cenaranka ñekideki geni á ndater elva á Eddenjara.

²⁸ Daaci a ba Yaisu á elvan ge itare: «Vacite na ni kakuranteka *Ura á emnde bademme wá, kwá de dise ba vacite ñanna, ganakini iya wá, ya ba Iya. Kwá de diyeddiye geni názena yá maganá ya bademme na wá, ba iya an ire-aaruwa ka. Ma yá ndáhá uwe keni, yá ndá ba názena a kwarisaa Edderwa.

²⁹ Edda una a belibela na anjka antara ya, á yika ya palle ñekideki, adaba ma vaatara keni yá magá ba názena á kataná ñane.»

³⁰ Ba Yaisu a ndaase una ñanna wá, emnde kwakya fartarfe áte ñane.

Emnde a mága haypa ta náve-aha á haypa

³¹ Daaci a ba Yaisu á elvan ge Yahudiya-aha na fartarfe áte ñane: «Máki tsakuraatse á ba áte elva-aaruwa wá, kwa emnde-aaruwa ba jirire,

³² kure kwá diyeddiye jirire, jirire á kure á palakuraapálá. Kwá kwaraná ba kure ire á kure.»

³³ A ba itare tá elvan ge Yaisu: «Ázara a ba ka? Nere ña eggye-aha á Ibrahimia miyenne, ba vaci

palle keni danjeremka am erva á ura ni, watse kwá kwaraná ba kure ire á kure, á ba ka?»

³⁴ A ba Yaisu á elvan ge itare: «Yá ndaakur ba jirire: Ma ware una á magá ba haypa na, edda-aara náve á haypa.

³⁵ Náve wá, ma estara keni á gevka ura á huđe á há đekideki. Amá egdzere wá, ma vaatara keni ba ura á huđe á há ɲanna.

³⁶ Daaci máki a palakuraa *Egdza á Dadaamiya am navire á kure wá, shakuránsha ire á kure ba jirire.

³⁷ Diyandiya degiya ganakini kwa eggye-aha á Ibrahimia. Amá labára kena kwá liyieka elva-aaruwa, kwá aɲkwa á tataya ja shifa-aaruwa na?

³⁸ Yá ndá ba názena ya naaná áza Edderwa, kure keni kwá magá ba názena a bakurnaa eddekure.»

³⁹ A ba itare, tá elvan ge Yaisu: «Eddenjere ba Ibrahimia ge ɲere.» A ba Yaisu á elvan ge itare: «Ma andze kwa egdzara á Ibrahimia ba jirire wá, ma kwá maga ba názena ndza a maganaa ɲane.

⁴⁰ Amá náwa yá aɲkwa ndaakur ba jirire názena ya cenanaa ya áza Dadaamiya, aley kure kwá tataya ba já shifa-aaruwa. Ibrahimia wá, ɲane magaaka una đekideki.

⁴¹ Kure kwá maga ba slera á eddekure.» A ba itare tá elvan ge ɲane: «Ijere ɲa masagwa-aha ka đekideki, Eddenjere ba Dadaamiya palle.»

⁴² A ba Yaisu á elvan ge itare: «Ma andze ni kwa egdzara á Dadaamiya ba jirire wá, ma andze kwá wayiwáyá. Adaba iya ya sawa ázenjara ge sezekure na. Sanka ba ya an ire-aaruwa, a belyaa ba ɲane, yá njá á ba áte ɲane áhuna na.

⁴³ Labára ñane á duka elva-aaruwa á dem ire á kure ðekideki? Á duka á dem ire á kure adaba kwá dzegwánka cena elva-aaruwa.

⁴⁴ Kure wá, eddekure ba Shaitaine. Kwá kátá maga názena á kataná eddekure. Adaba ñane sleceba emnde kwaye am fakta, baaka jirire-aara ðekideki, adaba baaka jirire am ñane. Ndáhá fida wá, duksa-aara ge ñane, adaba slera-aara ba fida, ñane male á fida.

⁴⁵ Amá iya wá, yá ndáhá ba jirire. Adaba una ñanna wayakurika.

⁴⁶ Emtu ware edda-aara am kure á sansese haypa-aaruwa parakke? Ay má yá ndá ba jirire bademme, labára kwá fetarka áte ya?

⁴⁷ Ura á Dadaamiya wá, á cená elva á Dadaamiya. Amá kure kwa emnde á Dadaamiyaka. Adaba una ñanna kwá feka hyema áte elva-aaruwa.»

Kwaye zlaɓe yareka Ibrahim aɲkwa Yaisu

⁴⁸ A ba Yahudiya-aha tá elvan ge Yaisu: «Ndaɲeraɲka emtu ganakini ka wá, ka ura *Samariya? Ndza ndaɲeraɲka emtu ganakini ká an jini am ire?»

⁴⁹ A ba Yaisu á elvan ge itare: «Yá an shaitaine ka ðekideki, yá gálá ba Edderwa, amá kure kwá aɲkwa epsawipsawa.

⁵⁰ Iya wá, ndanka ya ganakini a galarigálá emnde. Amá aɲkwa edda una a wayiyantaa ñane ganakini a galarigálá emnde. Daaci watse á ndaaná ba ñane elva á kure.

⁵¹ Yá ndaakur ba jirire: Ma ware una a magaa fesarefire am elva-aaruwa, ñane á emtseka ðekideki.»

⁵² A ba Yahudiya-aha tá elvan ge ñane: «Kina wá, diyañerdiya mazla-aara geni ba jirire ká an jini am ire. Ibrahim a emsametsa, nabi-aha umele keni matsarmatsa, ekka ni má ura á maga fesarefire am elva á ña, á emtseka, á ba ka?»

⁵³ Eggyemiya Ibrahim a an ire-aara maa, emt-sametsa, jakuje ge ñane emtu? Nabi-aha keni emtsaremetsa, ka mu ká zhárá ire á ña ka ware?»

⁵⁴ A ba Yaisu á elvan ge itare: «Máki yá galaná ba iya ire-aaruwa wá, yaikkire-aaruwa hyepka duksa ñekideki. Iya á galiya ba Edderwa. Ba ñane edda una kwa bantsa kure Dadaamiya na.

⁵⁵ Amá diyakurka ñane ñanna ñekideki. Iya wá, diyandiya. Ma ya bánba diyanka wá, ya slefida seke kure. Diyandiya ba parakke, yá ankwá á fansarefe am elva na á ndaaná ñane.

⁵⁶ Dadaamiya ndza a banánba ge eggyekure Ibrahim a ganakini watse á hyemhye am sarte-aaruwa, a higa jipu arge elva ñanna. Am sarte na marannaamárá Dadaamiya, ervaunñe-aara ndza ba seke nama.»

⁵⁷ A ba Yahudiya-aha tá elvan ge ñane: «Ba yáwe kul ilyebe keni ká hyefka ni, ka nánna Ibrahim a, ba ka?»

⁵⁸ «Yá ndaakur ba jirire,» a ba Yaisu á elvan ge itare: «Kwaye zlañe yareka Ibrahim a keni yá ankwá ya.»

⁵⁹ Ta naba halem nákwá am erva tá kátá eddzága maa, a naba shebevhe ge Yaisu, a sesehe am mashidi ñanna.

9

Yaisu mbanaambe ura wulfe ta yán ba estuwa

¹ Daaci anƙwa á degashe Yaisu am tate umele wá, a naa ura wulfe ta yán ba estuwa.

² Ta ndavanuhe ge pukura-aha, a ba itare tá elvan ge ɲane: «Malum, ta yanaa adaba haypa á ware zhel na wulfe? Haypa á tara eddenjara an emmenjara emtu? Emtu haypa-aara ba ge ɲane he?»

³ A ɲwaterante ge Yaisu, a ba ɲane á elvan ge itare: «Ta yese wulfe adaba haypa-aara ka, tara eddenjara an emmenjara keni haypa-aatare ka. Una a gev ba geni a naránna emnde slera yaikke na á de maganá Dadaamiya áte ɲane.

⁴ Am zlaɓe anƙwa tsawe vaciya wá, magau-mimága slera á edda una a belibela na. Adaba anƙwa á sawa vayiya, ura á dzegwánka mága slera mázla-aara.

⁵ Am sarte na zlaɓe yá anƙwa am duniya na wá, ya parakkire ge duniya.»

⁶ Ba a ndaase elva ɲanna, mazle-aara a naba kyefaa nyaihe á dem áhá, a wasletaa egdza haha cekwaangudí an nyaihe-aara, a ndaɓanaanuhe ge ice á wulfe na,

⁷ a ba ɲane á elvan ge ɲane: «Ezzlálá de baraabará ice á ɲa am derve na tá dɓaná an Silauwam na.» Silauwam ɲanna wá, amaana: slebela. A duhe ge wulfe na, a de baraa ice-aara wá, anƙwa a nanna. Á sá wá, ba lanɲe ice-aara.

⁸ Daaci emnde a slala-aara, antara emnde na ndza ta naa á ɲala na, a ba itare: «Una ni ba wulfe na á ɲala, á njá áhuwa na ka?»

⁹ A ba emnde umele; «Ba ɲane». Amá a ba emnde umele: «Una ɲaneka, ba gáráva.» Amá «Una ba iya,» a ba ɲane á elvan ge itare.

¹⁰ Ta ndavanu elva: «A wertaa estara ice á ña?» a ba itare tá elvan ge ñane.

¹¹ A ñwaterante, a ba ñane: «Ankwa ura zhera-aara Yaisu, a wasletaa haha cekwaangudí, a naba ndabinu ge ice-aaruwa wá, a ba ñane á elvan ge iya, ezzlálá de baraabára ice á ña am derve á Silauwam. Ya naba duhe á dete we á derve ñanna, ya baraa ice-aaruwa wá, yá nanna ice.»

¹² «Áma zhel ñanna?», a ba itare tá elvan ge ñane. «Diyanka», a ba ñane á elvan ge itare.

**Farisa-aha tá ndavanu elva ge ura wulfe ta yanaa an ñane*

¹³ Daaci ta naba dá zhel na ndza wulfe, amá shánsha ice-aara na ádeza *Farisa-aha.

¹⁴ Adaba háre na ni Yaisu a wasletaa egdza haha, a ndabánuhe ge ice á wulfe na wá, kwaskwe á puwansepuwe.

¹⁵ Adaba una ñanna, Farisa-aha ta ndavanu ge zhel ñanna, a ba itare tá elvan ge ñane: «A mágava estara ñane kina ká ankwa á nanna ice na?» A ñwaterante, a ba ñane: «Ba a wasletaa egdza haha, a ndabánuhe ge ice, ya de baraa ice-aaruwa wá, yá ankwa á nanna.»

¹⁶ A ba emnde umele am dágave á Farisa-aha: «Ma a maganaa ware una ñanna keni, a belanaa Dadaamiya ka dekideki, adaba ankwa á badza kwaskwe á puwansepuwe.» Amá a ba emnde umele-aatare: «Slehaypa ni á dzegwándzegwa mágá najipu-aha na?» Daaci ye-aatare gevge gergere.

¹⁷ *Farisa-aha ta ndavanu elva zlafe ádalíye ge wulfe na shánsha ice-aara na: «Ekka mu ázara

a ba elva á ña áte edda una a werakanta ice ñanna?» A ba ñane: «Nabi á Dadaamiya.»

¹⁸ Mazla-aara eksararka male-aha á Yahudiya-aha ganakini zhel ñanna ndza wulfe werre, a shanaa an sha ice. Ta naba d'etaa tara eddenjara an emmenjara.

¹⁹ Ta se ndavateruhe, a ba itare: «Una ba jirire ba egdza á kure emtu? Ndaundá ba jirire ndza kwa yán ba wulfe emtu? Ay a sawa estara á nanna ice na?»

²⁰ Ta ñwaterante ge tara eddenjara an emmenjara, a ba itare: «Egdzere wá, ba egdza á ñere, ña yese ba wulfe.

²¹ Amá ma a shanaa estara ice keni diyanjerka, ma a vantaa ware ice keni diyanjerka. Ñane keni egdzere-ka mázla-aara, ndavawanundave ba ge ñane, a ñwutenjwa ba ñane an ire-aara.»

²² Ta ndaa una tara eddenjara an emmenjara na wá, adaba a wáterá lyáwá átuge male-aha á Yahudiya-aha. Adaba zlaruzle male-aha á Yahudiya-aha am sawari-aatare, geni ma a ndaasa ware Yaisu wá, *Almasiihu, tá ñgyansengye edda-aara am jeba-aatare ba dekideki.

²³ Ta ndaaná adaba una ñanna tara eddenjara an emmenjara: Ñane keni egdzere-ka mázla-aara, a ñwutenjwa ba ñane an ire-aara na.

²⁴ *Farisa-aha ta d'ante zhel na ndza wulfe, shánsha ice na ge buwire, a ba itare tá elvan ge ñane: «Ñere wá, diyanjerdiya ganakini zhel ñanna slehaypa. Azara á ba elva á ña? Enndá jirire á katafke á Dadaamiya!»

²⁵ A ɲwaterante, a ba ɲane á elvan ge itare: «Iya wá, ma aɲkwa haypa-aara, ma baaka haypa-aara keni diyanka ya. Duksa palle ya disaa ya wá, ndza ya wulfe, kina wá, yá aɲkwa á nanna.»

²⁶ Ta ndavanuhe zlaɓe ádaliye, a ba itare tá elvan ge ɲane: «A magakaa uwe lauktu a wertehe ge ice á ɲa na?»

²⁷ A ɲwaterante, a ba ɲane: «Ábi ya ndakurndáhá cenakurka. Kwá kátá yá bakurá uwe kena ádaliye? Emtu kure keni kwá kátá gev emnde a dɓaba ɲane?»

²⁸ Tá zlazleɓaahe, a ba itare tá elvan ge ɲane: «Ká sledɓaba ɲane ba ka! Ɗere wá, ɲa emnde a dɓaba Muusa.

²⁹ Adɓaba Muusa wá, diyaɲerdiya ta ndaa elva an Dadaamiya, amá ɲane ba tate na á sawa átekwa, diyaa ware?»

³⁰ A ba zhel na: «Kwaye kwa najipu! Zhel na a weritaa ice na ni diyakurka kure tate na a sawa átekwa?»

³¹ Amá wá, diyamidiya slehaypa wá, Dadaamiya á ɲwanárka dɓekidɓeki, sey edda una ni á gálá ɲane, antara á maga namaari-aara.

³² Kwaye á ba am fakta á duniya keni, vaci palle ndza cenamiyánka ta weranantaa ice ge wulfe na ta yanaa an ɲane.

³³ Daaci zhel ɲanna, ma andze a belanaa Dadaamiya ka wá, ma andze á dzegwánka ba mága uwe keni.»

³⁴ «Ka wá, ka slehaypa kwaye á sawa am huɓe á emmeɲa, ká kwaranɓersá ka duksa ge ɲere

emtu?» Daaci ta naba ngyanse á segashe am mashidi.

Yaisu á ndáhá elva á wulfire am ervaunfe

³⁵ Am sarte na cenáncena Yaisu ganakini ngyaransengye maa, a naba de tataya tate-aara. De shánsha, a ba nane á elvan ge nane: «Faktarefe áte *Ura á emnde bademme emtu?»

³⁶ A nwanante a ba nane: «Ijane mu ware nane malum, geni yá fetarfe áte nane?»

³⁷ A ba Yaisu á elvan ge nane: «Ká zhára ba nane maa, ba edda una á ndaaka elva na.»

³⁸ «Fanaktarfe Yaakadada», a ba nane á elvan ge nane, a kezlanaa ugje am áhá.

³⁹ Daaci a ba Yaisu: «Sawa-aaruwa ge iya á sem duniya na wá, ya se lá wulfe-aha geni itare tá shánsha tá nánna duksa. Amá emnde na ta bantsa itare tá nanna na wá, tá gevge wulfe-aha.»

⁴⁰ Cenaráncena *Farisa-aha na tá ankwá áhuwa na, a ba itare tá elvan ge Yaisu: «Ijere keni nja wulfe-aha emtu?»

⁴¹ A ba Yaisu á elvan ge itare: «Ma andze kwa wulfe-aha wá, ma baaka haypa á kure. Amá kwa bántsa kure ankwá ice á kure tsawe wá, haypa á kure ba nja-aara.»

10

Suni shagera an kyawe-aha-aara

¹ A ba Yaisu á elvan ge itare zlafe ádaliye: «Yá ndaakur ba jirire: má ura á dem gargare á kyawe-aha ni, daaka á kya we-aara, a naba

tsekweme á kyá ire á riya wá, edda-aara ñanna neyle, slezá baráma.

² Amá edda una ni á duwa á kya we á gargare wá, ba ñane una suni á kyawe-aha.

³ Daaci slewera gargare, á weranántewera gargare ge suni, ñane á dáhá kyawe-aha-aara an zhera an zhera, kyawe-aha tá cenáncena kwárá-aara, tá edfaba ásegashe.

⁴ Máki saterse ásegashe maa, á dedda ñane á katafke, tá dfabáná kyawe-aha-aara á kataliya, adaba diyardiya kwárá-aara.

⁵ Amá kyawe-aha tá dfabeka edda una diyarka, á wáterá lyáwá átuge ñane, adaba diyarka kwárá-aara.»

⁶ Kwaya ñane naraje na a baternaa Yaisu, amá cenaránka naraje-aara, ma a bateraa elva áte uwe keni.

Yaisu suni shagera

⁷ Lauktu a ba Yaisu á elvan ge itare: «Yá ndaakur ba jirire: Ba iya una ya we á gargare á kyawe-aha.

⁸ Bademme á emnde na ta sawa ákatafke-aaruwa, ta ba neyle-aha, ta emnde a zá baráma. Adaba una ñanna diyaraterka kyawe-aha, cenarka elva-aatare.

⁹ Ba iya una ya we á gargare. Ma ware una á dema á kya ya á dem gargare na, á shánsha ire-aara, á duwa á ba an enkale-aara, á sesse keni á ba an enkale-aara, á shánsha náza zá-aara á ba an unjule-aara.

¹⁰ Neyle wá, á sá ba mága neylire geni á icica, á kedánaakedfa. Amá iya wá, ya sawa ganakini

kyawe-aha tá shánsha shifa, tá njinja an shifa-aatare lanje.

¹¹ «Ba iya una ya suni shagera. Ya suni shagera na ni yá dzameka shifa-aaruwa dekideki adaba kyawe-aha-aaruwa.

¹² Amá suni na á piyá ba geni a shánsha mbera-aara, nane gevka edda á kyawe-aha wá, gevka suni shagera. Máki nanna ankwá á sawa indale wá, á zhagada ire-aara, daaci á kyateraakya indale kyawe-aha na, á dzadzater-vedzadze.

¹³ Á zhagada shifa-aara, adaba nane baaka lambe-aara áte kyawe-aha. Á dzámá ba mbera-aara palle.

¹⁴ Ba iya una ya suni shagera, diyandiya kyawe-aha-aaruwa, itare keni diyaridiya

¹⁵ ba seke una ni a diyidiya Edderwa, iya keni diyandiya nane na. Yá dzameka shifa-aaruwa dekideki adaba kyawe-aha-aaruwa.

¹⁶ Iyau, zlafe tá ankwá kyawe-aha-aaruwa umele ágashe, saremka á sem walde. Shagera ba yá satersa itare keni á sem walde, tá se cena kwará-aaruwa. Tá se njá am walde palle, suni á gev ba palle.

¹⁷ «Wayiwáya jipu Edderwa, adaba eksanarekse yá shifa-aaruwa, watse yá shánsha zlafe adaliye.

¹⁸ Iya wá, baaka ura á dzegwándzegwa já shifa-aaruwa, ya eksera ba ya emtsa. Yá naba emtsemtsa, amá ya an hakuma á tse am faya. Yá magán ba seke una a binaa Edderwa.»

¹⁹ Elva-aara ṅanna a tsante elva yaikke zlaḅe ádaliye am dagave á Yahudiya-aha.

²⁰ Kwakya emnde am dagave-aatare ta baa: «Ura an jini am ire, an wsha ire-aara, kwá cena uwe áte elva-aara?»

²¹ A ba emnde umele-aatare: «Una fida, ura an wsha ire-aara wá, á taa ndaaseka elva estuwa. Há! Ura an wsha ire-aara ni á weratertá ice ge wulfe-aha?»

Kwalarevkwále Yahudiya-aha ge fetaare áte Yaisu

²² Daaci samsa sarte á mága muṅri á wera *mashidi yaikke am Urusaliima maa, ta naba gyaa muṅri. Sarte ṅanna, sarte á lailaidfire.

²³ Daaci vacite umele, aṅkwa á já ḁaba Yaisu am dzadzáwe á mashidi, am tate na tá ḁaháná an dzadzawe á Suleymanu na maa,

²⁴ de jarammeje zlaḅe ádaliye Yahudiya-aha á katafke-aara, a ba itare tá elvan ge ṅane: «Máki ba jirire ba ka una ka *Almasiihu á Dadaamiya wá, ndaṅerndá jirire-aara, geni a shuṅṅuleka ire á ṅere mázle-aara. Kinekineka ṅá ufa ba una ázeṅa.»

²⁵ A ṅwaterante ge Yaisu, a ba ṅane á elvan ge itare: «Ábi ya ndaakurndaha fakurtaareka áte ya. Slera na yá aṅkwa á maganá ya na wá, yá maganá á ba an hakuma á Edderwa. Una ṅanna á bakurá ba elva ge kure áte ya, ma ya ware keni.

²⁶ Aley kwá fetareka áte ya, aḁaba kwa kyawe-aha-aaruka.

²⁷ Kyawe-aha-aaruwa wá, tá cena kwárá-aaruwa, tá ḁabidába, iya keni diyanaterdiya.

²⁸ Yá vaterte shifa na á zleka na, tá emtseka dekideki, baaka ura á dzegwándzegwa saterse am erva-aaruwa.

²⁹ Edderwa na a vite kyawe-aha ñanna, yaikke ba ñane arge duksa bademme. Baaka ura á dzegwándzegwa sanse kyawe-aha ñanna am erva á Edderwa.

³⁰ Iya antara Edderwa ña ba palle.»

³¹ Daaci Yahudiya-aha ta naba haletaa nákwá zlaɓe ádaliye, tá kátá ejja.

³² A ba Yaisu á elvan ge itare: «Náwa kwakya slera shagera shagera na ya maganaa ya am dágave á kure an hákuma á Edderwa. Kina kwá kátá jiyá an nákwá adaba ura-ara palle?»

³³ A ba Yahudiya-aha ñanna tá elvan ge ñane: «Ñá jáká an nákwá adaba shagerire na ka maganaa ka ka. Amá ñá jáká adaba elva mándzawe na ká ndaná ka áte Dadaamiya. Ka keni ka ba urimagwe, amá ka ganve ire á ña Dadaamiya.»

³⁴ A ba Yaisu á elvan ge itare: «Ankwa an puwa am *tawraitá á kure, a ba Dadaamiya: Kure kwa dadaamiya-aha.

³⁵ Diyamidiya názu an puwa am wakita á Dadaamiya wá, baaka ura á ebzebza. Dadaamiya a dɛtaa emnde na ni a vaterte elva-aara ta dadaamiya-aha.

³⁶ Janateruka ya ge emnde ñanna emtu, ya na a eksisaa ba Dadaamiya, a beliyaa á sem duniya? Kwa baa yá ankwa á zlazla Dadaamiya, adaba ya baa: ya *Egdza á Dadaamiya? Áma ñane zláze ñanna?

³⁷ Máki kwá ezzhárá slera na yá maganá ya slera á Edderwa ka, fautareka áte ya.

³⁸ Amá máki yá mága ba slera á Edderwa ba jirire wá, ma kwá fetareka áte ya keni, fautarefe kure á ba áte slera-aaruwa ɲanna, geni kwá diyeddiye jirire-aara, ganakini iya antara Edderwa ɲa ba palle.»

³⁹ Tá kátá ekseksa, amá sharánka zlabé ádaliye.

⁴⁰ A zlaléhe ge Yaisu á dete iga a guwa á Urdun, tate á mága baptisma á Yuhanna, a de njehe áhuwa.

⁴¹ Amá kwakya emnde ta kelaa á dezeńara. Ta bántsa emnde ɲanna am dagave-aatare: «Yuhanna wá, baaka najipu na a maganaa ɲane, amá bademme á názena a ndaanaa ɲane áte zhel na bademme ba jirire.»

⁴² Emnde kwakya fartarfe áte ɲane am tate ɲanna.

11

Emtsamtsa Laajarus

¹ Ankwa zhel emnde a Baytaniya umele zhera-aara Laajarus wá, lapika ba zlazlaɗa. Egdzar mama-aha-ɲara ɲwasha, tara Marta antara Maari keni tá á ba am ekse ɲanna.

² Maari ɲanna wá, ba Maari na ndza a puwar náza se áte sera ge Yaakadada, a halanaahe an úgje á ire-aara na. Laajarus lapika na egdza emmeɲara ge Maari ɲanna.

³ Daaci egdzar mama-aha ɲwasha buwa ɲanna, ta naba belanve ura ge Yaisu, a ba itare tá elvan ge ɲane: «Yaakadada, náwa lapika ura á ɲa Laajarus.»

4 Cenáncena Yaisu labare ñanna maa, a ba ñane: «Lapikere á Laajarus á taa jeka shifa-aara. Amá watse tá nanna emnde yaikkire á Dadaamiya, antara yaikkire á Egdza-aara keni, adaba lapikere-aara zhel ñanna.»

5 Yaisu wayatertewáyá jipu tara Maari antara Marta ira Laajarus.

6 Adaba una ñanna daaka watsewatse am sarte na a cenaa labare á lapikere á Laajarus na. A gaa háre buwa am tate ñanna, am iga-aara lauktu a tse, a duwa.

7 Am iga a háre buwa ñanna maa, a ba ñane á elvan ge pukura-aha-aara: «Mi zláwá, mi eptsa ádaliye á dem Yahudiya.»

8 A ba pukura-aha-aara tá elvan ge ñane: «Malum, á ba am háre-aha na tá kátá jakjá Yahudiya-aha á ba an nákwá ni, ká kátá eptsa ádaliye á ba ádehuwa?»

9 A ba Yaisu á elvan ge itare: «Diyakurdiya emtu ganakini aṅkwa saa kelaawa ju buwa am váha palle? Máki ura á zláwá an vaciya wá, á jeka ektápaare. Adaba aṅkwa parakkire am duniya.

10 Amá máki edda-aara á zláwá an vayiya wá, á naba ejja ektápaare, adaba baaka parakkire am ñane.»

11 Am iga á elva-aara ñanna maa, a ba ñane zlaɓe ádaliye á elvan ge itare: «Aṅkwa á paa háre ura á miya Laajarus, amá yá de tsantetse am háre-aara ñanna.»

12 A ba pukura-aha tá elvan ge ñane: «Yaakadada máki á pupe háre wá, una watse á mbembe.»

¹³ Yaisu ańkwa á baterá baaka Laajarus emtsamtsa, pukura-aha ta kurken á ndater ba háre á jirire.

¹⁴ A naba ndaterse ba parakke Yaisu, a ba ńane á elvan ge itare: «Baaka emtsamtsa Laajarus.

¹⁵ Iya wá, yá higa jipu adaba lámare ńanna a shaa Laajarus am iga-aaruwa. Una a magava estuwa na wá, adaba ba kure, geni a farfe zlaɓe adaliye fetarfire á kure áte iya. Daaci tsaumitse, mi zlaláwa mi dezeńara.»

¹⁶ A ba Taumas, (Wulhe keni ba zhera-aara,) a ba ńane á elvan ge pukura-aha umele: «Mi keni mi zlalawa, mi de emtsa ba kerde antara ńane.»

Ba Yaisu una sletsa emnde am faya

¹⁷ Lauktu á daada Yaisu á dem Baytaniya maa, a de beraa hefarehe Laajarus zlauzle, háre-aara ufade am evege.

¹⁸ Ekse á Baytaniya ńanna ba herzhe an Urusaliima á maga ba kilaumaiter keye.

¹⁹ Yahudiya-aha kwakya ta sem mba á tara Maari antara Marta, ta se gater use adaba a kedaa egdza emmetare.

²⁰ Am sarte na cenáncena Marta ganakini sámša Yaisu maa, a naba tsetehe, a zlala á de yainuye áte baráma a sawa. Maari wá, ńane a nja am mba.

²¹ A ba Marta á elvan ge Yaisu: «Yaakadada, ma andze ká ańkwa áhuna wá, egdza emmerwa ma andze á emtseka dekideki.

²² Amá ba kina keni diyandiya ganakini Dadaamiya á yakveka názena ka ndavanuwa ka.»

²³ A ba Yaisu á elvan ge ñane: «Sey á sesse egdza emmeña á ba an shifa-aara.»

²⁴ «Diyandiya,» a ba Marta. «Diyandiya ganakini watse á tsetse vaci tsa emnde á faya am halavuwa á duniya.»

²⁵ A ba Yaisu á elvan ge ñane: «Ba iya una ya edda tsa emnde am faya, ba iya una ya slefaterem shifa na á zleka na am vuwa ge emnde. Má ura fetarfe áte ya wá, ma emtsamtsa keni á tsetse á ba an shifa-aara.

²⁶ Ma ware una an shifa, a fetaare áte ya, á emtseka edda-aara ðekideki. Faktarfe emtu áte elva-aaruwa na?»

²⁷ «Ane fantarfe», á ba Marta, «fantarfe ganakini ba ka una ka *Almasiihu, ka *Egdza á Dadaamiya, ba ka edda una diyanerakdiya ganakini watse ká sawa á sem duniya na.»

Sesse yawe á kyuwa ge Yaisu

²⁸ Am iga á elva-aara ñanna Marta wá, ba eptsaaara a detevege egdza emmeñara Maari, a de mbedanuhe an nasherire, a ba ñane á elvan ge ñane: «Samsa Malum anjwa á ndavakndává.»

²⁹ Ba tara cenáncena, antara ba tsetse-aara ge Maari, a duhe ádezeñara.

³⁰ Amá zlañe samka Yaisu á sem huñe á ekse emtsaafé, zlañe á ba am tate ñanna a de yainuwa Marta na.

³¹ Tsetsa Maari an hádzala á segashe maa, bañemme á Yahudiya-aha na tá njá ázeñara, ta de gater use na keni, tá sa eñfaba. Itare ta kurken á de kyuwa áte irekhya.

³² Dámnda Maari á deza Yaisu, a kezlaa uge á katafke-aara, a ba ñane á elvan ge ñane: «Yaakadada, ma andze ká anjwa áhuna wá, ma andze á emtseka egdza emmerwa dekideki.»

³³ Daaci Yaisu á zhára ba á kyuwa Maari na, Yahudiya-aha na ta daa edfaba na keni bademme tá anjwa kyuwa. Una ñanna wantewa jipu am ervaunde ge Yaisu.

³⁴ A naba ndavateruhe, a ba ñane á elvan ge itare: «Kwa hedanaa áme ñane emtsa ñanna?» «Sawa ñá marakanaamárá Yaakadada», a ba itare tá elvan ge ñane.

³⁵ Daaci sessa yawe á kyuwa ge Yaisu keni.

³⁶ Daaci a ba Yahudiya-aha: «Kay, zhel na wayawáyá jipu an Laajarus na.»

³⁷ Amá a ba emnde umele-aatare: «Ábi ba ñane una a weranante ice ge zhel wulfe na? Ay ábi ma andze á janviyaaka piyeta emtsa á Laajarus keni?»

Yaisu tsantetse Laajarus am faya

³⁸ Wantewa zlafe ádaliye am ervaunde ge Yaisu, a naba duhe á dete irekhya ñanna. Irekya ñanna keni, ndza ta yese ba evege ba estuwa am uksuwe á palaha, ta hedanuhe an palame.

³⁹ Daaci a ba Yaisu: «Tambarawan-vuwetámbara palame ge we á evege.» A ba Marta egdza emmenjara ge edda una am evege: «Yaakadada, watse á se kwakya degi mazla-aara, adaba háre ufade vatena eheda-aara.»

⁴⁰ A ba Yaisu á elvan ge ñane: «Ndza ndaananka a ba iya, máki faktarefe watse ká nanna yaikkire á Dadaamiya?»

⁴¹ Daaci ta naba tambaranvuwe páláme na ge we á evege. A kante ice-aara á dem samaya Yaisu, a ba ñane: «Yá anƙwa á slafaká we-aaruwa Edderwa, adaba cenakivaarcene.

⁴² Diyandiya ganakini ká anƙwa cenivaarcene ma vaatara keni, amá ya ndaa una adaba emnde na náwa itare tá ázerwa na, geni a fartarfe ganakini ka beliyaa ba ka.»

⁴³ Am iga á maduwa-aara maa, á ba ñane á ba an ka kwará: «Laajarus, sesse á segashe!»

⁴⁴ A sessehe ge Laajarus antara ba kálpákane na ndza ta fademe am hude-aara na bademme. Sera-aha-aara, antara erva-aha-aara, ira ire-aara bademme á ba an fádá. A ba Yaisu: «Palawanaapále áte ñane, belawanaabelá.»

Yahudiya-aha tá anƙwa maga pute a eksa Yaisu

(Mat. 26:1-5; Mark. 14:1-12; Luka 22:1-2)

⁴⁵ Dikele á Yahudiya na ta de gater use ge tara Maari na, ba ta naa najipu na ni a maganaa Yaisu na wá, ta naba fetarhe áte ñane.

⁴⁶ Amá á ba am dagave-aatare, emnde umele ta de balaterse názena a maganaa Yaisu na bademme ge *Farisa-aha.

⁴⁷ Daaci Farisa-aha, antara male-aha á *liman-aha ta jemaa emnde a *kendekyiya yaikke, a ba itare: «Mí magáná estara kina? Náwa zhel na anƙwa a far ba mága najipu-aha?»

⁴⁸ Máki mí zharaná á ba an ice wá, watse bademme á emnde tá fetarfe áte zhele na. Daaci watse á tsetse elva yaikke, watse tá demda emnde a Rauma na tá an hakuma na á dem

elva ɲanna, watse tá mbedanaambedfa mashidi á miya yaikke na, tá keɗanaakedfa larde á miya.»

⁴⁹ Daaci a ba Kayafas, ɲane male á *liman-aha am sarte ɲanna, a ba ɲane á elvan ge itare: «Kure wá, baaka názu kwa disaa kure emtsaade.

⁵⁰ Diyakurka ganakini máki jamija shifa-aara ɲane palle á emtsemtsa aɗaba emnde, á shansha ire-aara larde á miya emtu?»

⁵¹ Amá wá, a ndaanaa ɲane an ire-aara ka una ɲanna. Am ba ɲane una a gev male á liman-aha am sarte ɲanna, a maganaa ba Dadaamiya geni á maganaamaga nabiyire áte Yaisu, geni a emtsemtsa Yaisu am kela á Yahudiya-aha baɗemme.

⁵² Am kela á Yahudiya-aha ka palle, amá geni á jatermarje ge egdzara á Dadaamiya na tá am huɗe á duniya baɗemme tá gevge palle.

⁵³ Daaci male-aha á Yahudiya-aha ta magaa sawari á ja shifa á Yaisu ba vacite ɲanna.

⁵⁴ Aɗaba una ɲanna Yaisu dalika á jaɗaba am dagave á Yahudiya-aha áte parakkire. A naba zlalehe á dem ekse umele tá ɗaháná an Aifrayim herzhe an kaamba, ta de nja áhuwa antara pukura-aha-aara.

⁵⁵ Herzhevteherzhe muɲri á Yahudiya-aha na tá ɗaháná an *Paska na maa, baɗemme á Yahudiya-aha na tá am ekse-aha umele, tá aɲkwa jahava á ba á dem huɗe á Urusaliima zlaɓe samka hare-aha á muɲri emtsaade, geni tá de maga náɗe á cuɗeɗɗire ge ire-aatare, lauktu tá za muɲri.

⁵⁶ Am sarte na jarammeje emnde am mashidi wá, ta tátaya Yaisu. A ba itare am dagave-aatare:

«Watse á ba á sawa zhel na á sem munri? Emtu estara a ba kure?»

⁵⁷ Ta ndanaa adaba uwe estuwa, adaba a ba male-aha á *liman-aha antara *Farisa-aha, ma a naanaa ware tate á Yaisu keni, a shebeka, itáre tá de eksekta.

12

*Maari a puwanante náza se áte sera ge Yaisu
(Mat. 26:6-13; Mark. 14:3-9)*

¹ A juwaa ba háre unkwaha tá gyá munri á *Paska wá, damda Yaisu á dem Baytaniya ekse á Laajarus na a tsante am faya na.

² Ta naba gyanaa dafa ge Yaisu am ekse nanna. Tara Yaisu antara Laajarus ira emnde umele tá arge dafa. Marta wá, nane slevaterterte dafa nanna antara kazlanja-aara bademme.

³ Daaci duwa á Maari, a naba eksetaa náza se-aara kyalma á liter zlázládfa gane-aara jipu. Náza se nanna wá, tá gyaná an nardisa. A naba puwanante áte sera bedbedbede ge Yaisu, a halanaahe an úgje á ire-aara. Daaci bademme á hufe á bere ba se á náza se na.

⁴ A ba Yahuda Iskariyaut palle á pukura-aha-aara, edda una watse á de valateru ge Yaisu kelaade-aha keni ba nane nanna, a ba nane:

⁵ «Labára kwá maga una? Ma tá veluka náza se zlázládfa seke una, ma gursa kul vuye keni, daaci ma tá tegatertega ge talage-aha!»

⁶ Ndahaaka una adaba slezatervaare ge talage-aha, amá adaba nane neyle. Á náná nane shunngu-aatare, amá ankwaha á ilila.

⁷ A ba Yaisu: «Weshawananteka ire ge mukse na. Adaba anƙwa á maginá ñane zunjwe slera a vacite na má watse tá hediheda na.

⁸ Talage-aha wá, ma vaatara keni tá á ba ázekure. Amá ya wá, watse ya baaka ázekure.»

*Male-aha á *liman-aha tá ngwadá sawari á já shifa á Laajarus*

⁹ Cenarácena Yahudiya-aha ganakini anƙwa Yaisu am Baytaniya maa, bademme ta berdava á ba ádehuwa. A dáteraa ba wedere á Yaisu ka palle, ta de zharanaa antara Laajarus na a tsante am faya na.

¹⁰ Daaci male-aha á *liman-aha ta ngwadaa sawari-aatare geni sey tá kedanaakeda shifa á Laajarus keni.

¹¹ Adaba Yahudiya-aha kwakya eptsarater-veptsa iga ge itare, ta fetaare áte Yaisu adaba ñane.

*Yaisu á dem huƙe á Urusaliima
(Mat. 21:1-11; Mark. 11:1-11; Luka 19:28-40)*

¹² Makuralla-aara wá, bademme a nalgaadama á jamme am huƙe á Urusaliima ta se za muƙri á *Paska na, cenarácena ganakini anƙwa á sawa Yaisu á sem huƙe á Urusaliima.

¹³ Bademme-aatare ta naba ƙatsemaa hyema á debina am erva, daredde á de lyiya Yaisu an ñane áte barama. A ba itare á ba an ká kwara: «Galaugala Dadaamiya! A gagga Dadaamiya barka ge ekka na ká sawa an zhera á Yaakadada na. A gagga Dadaamiya barka ge ekka, ka slekse á *Iserayiila.»

14 Am sarte ḡanna, Yaisu shansha ezzeḡwa zlauzle, a nḡete áte ezzeḡwa ḡanna, gevge á ba áte una á ndahaná wakita á Dadaamiya, a ba ḡane:

15 «Ekkure emnde a berni á *Siyauna, a wakurka lyawa đekideki, kwaye á sawa slekse á kure áte úma á ezzeḡwa.»

16 Am sarte ḡanna wá, ndza cenaránka emtsaade pukura-aha jirire-aara. Sey am sarte na zlazlálá Yaisu á dem yaikkire-aara, lauktu saasa á sem ire-aatare bađemme, geni názena ta magannaa emnde ge Yaisu na ba kalkale antara una a ndaanaa wakita á Dadaamiya áte ḡane.

17 Vacite na Yaisu a daase Laajarus am irekhya, a tsante am faya na wá, emnde kwakya tá aḡkwa áhuwa. Ta de balatersaa emnde ḡanna ge emnde umele názena ta nannaa itare.

18 Ađaba una ḡanna emnde bađemme ta se yainu ge Yaisu. Ađaba cenarácena najipu na a maganaa ḡane.

19 A ba *Farisa-aha am dagave-aatare: «Zha-rauzhárá, bađemme á emnde tá zhagade á ba á dezeḡara! zhel na degiya mi danuka?»

Yunaninḡkau-aha tá kátá deza Yaisu

20 Tá aḡkwa Yunaninḡkau-aha umele am dágive á emnde na ta sem Urusaliima ge se kezlan ugje ge Dadaamiya am muḡri na,

21 ta duhe ge Yunaninḡkau-aha ḡanna á deza Filip, ura Baytisayda am kwára á Galili, a ba itare tá elvan ge ḡane: «Malum ḡá kátá deza Yaisu».

²² A tsetehe ge Filip a de mbedanu elva ɲanna ge Andere, daaci bukerde-aatare ta duhe á deza Yaisu, ta ndaanhe.

²³ A ba Yaisu á elvan ge itare: «Hyephye sarte a zláá *Ura á emnde bademme á dem yaikkire-aara.

²⁴ Yá ndaakur ba jirire: Ice á hiya palle, máki jakemka am haha kedakanaakeda, ma vaatara keni ba ɲane palle ɲanna. Amá máki jakemja am haha kedakanaakeda wá, á yá egdzere kwakya.

²⁵ Daaci ma ware una a wayete shifa-aara keni á de kedanaakeda, amá edda una a yaa shifa-aara am duniya na wá, á shá shifa na á zleka na.

²⁶ Edda una má á kátá magiya slera ge iya wá, sey á dɓabidába. Daaci tate na ni ya átekwa ya na wá, sleslera-aaruwa keni á de njá á ba áhuwa. Ma ware una á magiya slera ge iya na, Edderwa á gálá ba ɲane.»

Yaisu aɲkwa á ndáhá elva a emtsa-aara

²⁷ A ba Yaisu kina wá: «Yá aɲkwa dzámá ire! Yá baná uwe kina ge Edderwa? Yá baná: Eddaaye, piyetepiya zlada-aaruwa na emtu? Yá ndaaka una deki. Adaba a siyaa ba una ɲanna á sem duniya.

²⁸ Arge una ɲanna wá, náwa názena ni yá banán ge Edderwa: Eddaaye, emmága slera á ɲa am emnde geni a diyareddiya yaikkire á ɲa.» Daaci tá cená ba kwará yaikke á ndáhá elva á sawa am samaya, a ba ɲane: «Maranateránmára zlauzle yaikkire-aaruwa ge

emnde, amá yá marateránmárá zlaɓe ádalíye geni a galarigálá emnde.»

²⁹ Emnde na tá aɲkwa áhuwa cenáráncena kwárá ɲanna, amá a ba emnde umele válaha á samaya, a ba emnde umele keni, aɲkwa á ndaan elva malika.

³⁰ Yaisu a ndaterse jirire-aara, a ba ɲane á elvan ge itare: «Kwárá ɲanna á biyá elva ge iya ka, amá á bakurán ge kure.

³¹ Sarte na náwa ɲane na wá, á kyaavekye shairiya á duniya na, tá eblyanseblye slekse á duniya na á degashe.

³² Iya wá, má watse kariteka ya áte haha na, a detire wá, baɗemme á emnde watse yá sátersa ásezerwa.»

³³ Kwaya ɲane sera á elva-aara na a pálá jeba á emtsa na ni á de emtsa ɲane na an ɲane.

³⁴ Daaci a ba emnde tá elvan ge ɲane: «Aɲkwa an puwa am *tawraitá ɲa cenáncena wá, *Almasiihu wá, á emtseka ɗekideki. Ekka keni a ba ka sey tá kanteke *Ura á emnde baɗemme á detire. Ware ɲane *Ura á emnde baɗemme ɲanna?»

³⁵ A ɲwaterante ge Yaisu, a ba ɲane á elvan ge itare: «Kina wá, zlaɓe aɲkwa parakkire am dáɗave á kure na wá, dawmbare á ba á de katafke, a se shakurka tabeɗammire. Aɗaba edda una á zláá am tabeɗammire diyaaka ba tate na á detekwa keni.

³⁶ Aɗaba una ɲanna, fautarefe áte parakkire am sarte na ni aɲkwa parakkire ázekure, geni kwá gevge emnde a zláá am parakkire.»

Kwalarekwale Yahudiya-aha ge fetare áte Yaisu

Ba a ndaase elva-aara Yaisu wá, a naba zlalehe ba yiyiye an itare, a de shebevhe duksa-aara.

³⁷ Yaisu maganaamaga tsa najipu-aha gergere naránna an ice-aatare, aley fartarka dekideki áte nane.

³⁸ Una nanna gevge á ba áte una ndza a ndaana nabi Aisaya am nabiyire-aara, a ba nane: «Yaakadada, ankwura a fetaare áte waazu á nere emtu? Yaakadada mu a maraná hákuma-aara ge ware nane?»

³⁹ Zlabe adaliye, dzegwaránka fetarfe na wá, gevge elva na ndza a ndaana nabi Aisaya am nabiyire-aara, a ba nane:

⁴⁰ «Dadaamiya a hadateraa ice geni a naránka an nane, a vaterte degdegire á ire, geni a cenarvaaka elva-aara. Bademme á una nanna wá, ba geni a saremká ásezerwa geni yá mbateraambe.»

⁴¹ Nabi Aisaya a ndaa una nanna na wá, adaba á ba am date keni nane nanna Yaisu am yaikkire-aara lauktu a magaa nabiyire nanna áte nane.

⁴² Am una nanna wá, á ba am dagave á male-aha á Yahudiya-aha keni kwakya emnde na fartarfe áte Yaisu, amá ndarseka parakke, adaba ta kuva ice á *Farisa-aha, geni a ngyaraterseka am jeba á Yahudiyire ba dekideki.

⁴³ Ta hayaa ba ngáhire na tá sháná áza emnde, arge ngáhire na á de vatertá Dadaamiya.

Am halavuwa á duniya elva á Yaisu á de mbada emnde am shairiya

⁴⁴ Daaci a kante kwárá á ba an ndzedfa Yaisu, a ba ñane: «Ma a fetaara ware áte ya keni, a fetaara áte ya palle ka, amá a fetaare áte edda una a belibela na keni.

⁴⁵ Ma a niyaa ware keni, edda-aara nánna edda una a belibela na keni.

⁴⁶ Sawa-aaruwa á sem duniya na wá, ya parakkire ge duniya, geni ma a fetaara ware áte ya keni, a njeka am tabedfammire mázla-aara.

⁴⁷ Ma a cenanaa ware elva-aaruwa, amá mag-aaka fesarfire wá, yá ngudfaná ya ka edda-aara. Adaba sanká á se ñgwadfa emnde a duniya, amá ya se lyaterlya.

⁴⁸ Ma a yiyaa ware, ma a yanaa ware elva-aaruwa keni, anƙwa názena ni á de mbedfa edda-aara am shairiya. Ba elva-aaruwa ñanna a cenevaa ñane, amá fetareka na wá, á de mbedfaná ba elva ñanna vaci shairiya.

⁴⁹ Adaba elva á ire-aaruwa ka. Baɗemme á názena yá anƙwa ndaater ge emnde, antara názena ni yá anƙwa kwaraterse ge emnde na wá, baɗemme ndza a binaa ba Edderwa.

⁵⁰ Diyandiya ganakini elva ñanna a beliya Edderwa an ñane na wá, á saterá shifa na á zleka na ge emnde. Daaci baɗemme ya se ndá ba názena ni a binaa Edderwa.»

13

Yaisu á baraterá sera ge pukura-aha-aara

¹ Ay, a jauwaa ba háre palle mazla-aara tá gya munri á *Paska, Yaisu diyaadiya ganakini herzhavteherzhe sarte-aara jipu ge zlala á dem mba á Eddeñara, á yá duniya. Wayatertewáyá

an tsáká ire emnde-aara na ni á yaterá am duniya na.

² Daaci, tá arge masane tara Yaisu an-tara pukura-aha maa, Yahuda egdza á Simaun Iskariyaut wá, fanemfa Shaitaine am ervaunċe zlauzle, ganakini a veluvele Yaisu.

³ Yaisu wá, diyaadiya ñane ganakini ndza a sawa áza Dadaamiya, watse á eptsá zlaċe ádaliye á deza Dadaamiya. Diyaadiya geni baċemme á hákuma á ba am erva-aara.

⁴ Daaci a naba tsanvaare ge masane na, a tsekwese am zane-aara, anċwa patele áhuwa a halante, a ñċċese huċe an ñane,

⁵ a kevaa yawe am tasa, daaci a fantau ge barateraa sera ge pukura-aha-aara, á halateraa yawe áte sera an we á patele na a ñċċese huċe an ñane na.

⁶ Daada áte Simaun Piyer maa, «Lyafka,» a ba ñane. «Ka ni ka bariya sera ge iya Yaakadada?»

⁷ A ñwanante ge Yaisu, a ba ñane á elvan ge ñane: «Názena yá anċwa maganá ya na diyanċka emtsaáċe, amá watse ká diyeddiye.»

⁸ A ba Piyer: «Baaka, ká báreka sera-aaruwa ċekideki.» A ba Yaisu á elvan ge ñane: «Máki baranakaaka sera wá, ba icevice dáċave á miya antara ka.»

⁹ A ba Piyer á elvan ge ñane: «Yaakadada, máki estuwa wá, serka palle, antara ba erva-aha-aaruwa, antara ire-aaruwa, náwa barivebare.»

¹⁰ A ba Yaisu á elvan ge ñane: «Máki ura barevbare wá, á bareka mazla-aara aċaba tseċañċe vuwa-aara. Sey á bárá ba sera. Kure

wá, tsefanje vuwa á kure. Amá wá, kure bademme ka.»

¹¹ Edda una ni watse á de vela Yaisu na wá, Yaisu diyaadiya, a ndaanaa adaba una nanna: Bademme á kureka kwa tsefanje.

¹² Am sarte na zlauzle am baratera sera maa, a tsekweme am zane-aara zlahe adaliye, a de njehe am tate á nja-aara, a ba nane á elvan ge itare: «Kina diyakurdiya názena ya magakurnaa ya na emtu?

¹³ Náwa kwá cfahiyá an malum antara Yaakadada. Shagera jipu, una nanna ba unjule-aara. Adaba ba jire ya ba estuwa.

¹⁴ Iya na ya malum antara Yaakadada ni náwa ya barakuraa sera ge kure na wá, daaci kure keni shagera baraubará sera-aha á kure am dagáve á kure.

¹⁵ Iya wá, maranakuránmárá gáráva-aara, geni kure keni kwá de magáná á ba áte una ya magakurnaa ya na.

¹⁶ Náwa yá ndakurndá kwa adaliye: Ge jirire wá, walaadi á januka ge zánwe-aara, slebela keni á januka ge edda una ni a ebbela na.

¹⁷ Kina wá, cenakuráncena mazla-aara, máki kwa emmága áte una nanna wá, á de jakurja geda.

¹⁸ «Elva-aaruwa na wá, yá ndaakur ge kure bademme á kure ka. Diyanaterdiya ya emnde-aaruwa na ya dzeratersaa ya. Názena ni an puwa am wakita á Dadaamiya na keni shagera ba a gevge. Adaba a ba nane: Palle á emnde na na zu dafa kerde á de gev kelaade-aaruwa.

¹⁹ Ndaanakursendá ya mázla-aara, a njinja am

vuwa á kure, geni má sámsa duksa ɲanna wá, kwá diyeddiye geni iya wá, Iya.

²⁰ Yá ndaakur ba jirire: Ma a liyanaa ware sleɓela-aaruwa keni, edda-aara a lyevaa ba iya. Iyau, edda una a lyevaa ya maa, a lyevaa ba edda una ni a ɓelibela na.»

Ngyanmengye Shaitaine am ervaunɗe ge Yahuda

(Mat. 26:20-25; Mark. 14:17-21; Luka 22:21-23)

²¹ Ba a ndaase una ɲanna Yaisu wá, mázla-aara damda dzámá ire yaikke á dem ɲane. A ba ɲane á elvan ge pukura-aha-aara: «Yá ndaakur ba jirire, watse á veliya ba palle á kure.»

²² Farantaufe pukura-aha ge zháráva á dem ice am dágave-aatare, diyarka edda una Yaisu á ɓálá nákwá áte ɲane na dekiɗeki.

²³ Ankwa pukura palle, ɲane a nja herzhe an Yaisu, Yaisu a wayete ɲane kwakya-aara.

²⁴ Simaun Piyer a maganaa nalaama, geni a ndavanundave: á ɓálá nákwá áte ware ɲane.

²⁵ Pukura ɲanna a naba ndavanu ge Yaisu an enkale, a ba ɲane: «Yaakadada, ware ɲane edda-aara?»

²⁶ A ba Yaisu á elvan ge ɲane: «Kwaye watse yá ukcevaukca vanɗwala yá gar dále wá, edda una má ya fanem am erva na ba ɲane.»

Daaci Yaisu a naba ukcevaa vanɗwala na, a gar dále, a vante ge Yahuda egdza á Simaun Iskariyaut.

²⁷ Ba a lyevaa dafa na Yahuda am erva á Yaisu wá, Shaitaine a naba ɲgyanme am ervaunɗe. A

ba Yaisu á elvan ge ñane: «Ábi ká am niya á ña ge slera á ña na? Edduwa emmága watsewatse.»

²⁸ Amá ma a bannaa adaba uwe Yaisu elva ñanna ge Yahuda keni, palle á ura diyaadiya baaka dekideki am dagave-aatare ñanna.

²⁹ Adaba á ñaná Yahuda shungu maa, emnde umele-aatare ta kurken Yaisu a banaa de shekwamiveshekwe duksa na mí maga muñri an ñane, bi a banaa de tegatertega egdza duksa ge talága-aha.

³⁰ Am sarte na lyevaalya Yahuda vanɗwala na am erva á Yaisu, antara ba degashe-aara ba watsewatse. Am sarte ñanna vayiya.

Shairiya anwaslire na a vatertaa Yaisu ge emnde-aara

³¹ Sesse Yahuda zlazlálá maa, a ba Yaisu: «Kina wá, á de marápsémára yaikkire á *Ura á emnde bademme mázla-aara, tá de zharaná áte ñane emnde yaikkire á Dadaamiya keni.

³² Ba seke una ni marapsemára yaikkire á Dadaamiya áte Egdza-aara na wá, Dadaamiya keni á de marateránmára ba ñane an ire-aara yaikkire á Egdza-aara ge emnde. Á de magán ba herzhe na duksa ñanna, má watse á dáná á dem samaya.

³³ Daaci, yá haraaka antara kure kwakya mazla-aara egdzara-aaruwa. Kina wá, názena ndza ya ndaater ge Yahudiya-aha na, yá ndakurnda ge kure keni: Watse kwá tatay-itátaya, amá kwá taa daaka á dem tate na yá detekwa ya na.

³⁴ Náwa shairiya anwaslire yá vakurte ya: Shairiya ñanna wá, mága wáyávire am dagave

á kure. Kure keni wayawaavewáye am dágave á kure á ba áte una ya wayakurtaa ya na.

³⁵ Máki kwá an̄kwa wayaavewáye wá, tá naba diyakureddiye emnde a duniya ganakini kure wá, kwa pukura-aha-aaruwa.»

Piyer á de pelaará we ge Yaisu

(Mat. 26:31-35; Mark. 14:27-31; Luka 22:31-34)

³⁶ A ndavanu ge Simaun Piyer, a ba nane: «Ká zlála a deme ka Yaakadada?» A nwanante ge Yaisu, a ba nane á elvan ge nane: «Kina zlábe ká dzegwánka emtsaade d̄abiyá á dem tate na yá detekwa ya, sey watse ká d̄abiyá á katafke.»

³⁷ A ba Piyer á elvan ge nane: «Yaakadada labára yá dzegwánka d̄abakd̄aba kina? Ya keni yá am niya-aaruwa, yá kátá ya shifa-aaruwa adaba ka.»

³⁸ A ba Yaisu á elvan ge nane: «Ba jirire ká am niya a ya shifa á na adaba ya emtu? Yá ndak ba jirire: Vatena lauktu á kyuwa tsákálá wá, ká de ndaasendá ka ser keye, diyakika, a ba ka.»

14

Ba Yaisu palle una baráma á deza Dadaamiya

¹ A ba Yaisu á elvan ge pukura-aha-aara: «A gazleka ervaun̄de á kure d̄ekid̄eki, fautarfe áte Dadaamiya, fautarfe áte ya keni.

² Kwakya slede am huđe á há á Edderwa. Ma andze baaka wá, ma yá ndakurka. Yá zlála, yá de tsatsakurá slede.

³ Má tsatsanakuraatsatse slede zlauzle maa, watse yá eptsa, yá se halakurá á dezerwa, geni

kure keni kwá de njá á ba am tate na ni yá njá ya átekwa.

⁴ Baráma á dem tate na yá detekwa ya wá, diyakurdiya.»

⁵ A ba Taumas á elvan ge ɲane: «Yaakadada, ba tate na ká detekwa ɲanna keni diyaɲerka ni, diyaɲerdiya baráma-aara? Ná dise estara kena?»

⁶ A ba Yaisu á elvan ge ɲane: «Ya baráma ɲanna ba iya, jirire keni á ba ázerwa palle, shifa keni á ba ázerwa palle. Baaka ura á daada á deza Edderwa á kya baráma umele ɔfekideki, sey máki a se ɔfaba ya.

⁷ Máki diyakuridiya iya wá, Edderwa keni ba diyakurdiya. Ba kina keni diyakurdiya, kwá aɲkwa zhára ba ɲane.»

⁸ A ba Filip á elvan ge ɲane: «Yaakadada, maraɲeránmára ka ba Eddeɲa na ge ɲere wá, zlauzle náza á ɲere.»

⁹ A ba Yaisu á elvan ge ɲane: «Kinekineka yá am dágave á kure ni kwaasau diyakika Filip? Ma a niyaa ware keni, edda-aara a naa ba Edderwa, una ni maraɲeránmára Eddeɲa, á ba ka?

¹⁰ Emtu faktarka ganakini yá aɲkwa am Edderwa, Edderwa keni aɲkwa am ya emtu? Bademme á názena yá bakurná ya na elva á ire-aaruwa ka, á bina ba Edderwa. Zlabe ádaliye bademme á názena yá maganá ya na keni, á maganá ba ɲane slera-aara am ya.

¹¹ Máki ya bakurnaa ba ya: Yá aɲkwa am Edderwa, Edderwa keni aɲkwa am iya wá, naba fautarfe. Máki una ka maa, fautarfe kure á ba áte slera-aha na yá maganá ya na.

¹² Yá ndaakur ba jirire: Ma a fetaara ware áte ya keni, ba kelaa názena yá maganá ya na, edda-aara keni á emmága. Jauje ba ge una yá anƙwa á maganá ya na keni á de emmága ɲane, adaba yá anƙwa duwa ya ádetevge Edderwa.

¹³ Ma kwa yeka uwe an zhera-aaruwa keni yá emmága, geni a naránna emnde yaikkire á Edderwa adaba Egdza-aara.

¹⁴ Máki kwá ɲala duksa an zhera-aaruwa wá, ma uwe keni yá emmága.»

A ba Yaisu watse á bela Shedekwe Cudede á sawa

¹⁵ A ba Yaisu á elvan ge itare zlaɓe adaliye: «Máki wayakuriwayá wá, magaumaága názena yá bakurná ya.

¹⁶ Iya wá, yá de ɲala Edderwa, ganakini á belakurá ura umele, á se melakurwa ɲane. Edda-aara ɲanna wá, Shedekwe na á kwaraterse jirire ge emnde na, á se njá ɲane antara kure ma vaatara keni.

¹⁷ Emnde a duniya wá, itare tá shánka Shedekwe ɲanna deƙideƙi, adaba diyarka Shedekwe ɲanna, tá nánka keni. Amá kure wá, diyakurdiya ɲane adaba á njá antara kure, watse á njá am kure.

¹⁸ Amaana yá yakurka an ire á kure ba seke egdzar tahe-aha, sey yá sawa ásezekure.

¹⁹ Á katafke cekwaangudī wá, tá de nika emnde a duniya mázle-aara, amá kure wá, watse kwá nina yá á ba an shifa-aaruwa. Adaba una ɲanna, kure keni kwá de shá shifa jirire.

²⁰ Watse kwá de dise ba vacite ñanna ganakini ñere an Edderwa wá, ña ba palle. Kure antara ya keni ma ba palle.

²¹ «Ma a ñanaa ware názena ya bakurnaa ya na, anƙwa á emmága, edda una wayiwáyá ba ñane. Ñere an Edderwa wayaƙerwáyá jipu an edda-aara, yá maranánmára ire-aaruwa ge edda-aara.»

²² Anƙwa Yahuda umele ñane Yahuda á Iskari-aut ka, a ba ñane á elvan ge Yaisu: «Yaakadada, á geva estara kena ni, ká de maraƙerá ire á ña ba ge ñere, tá naƙka emnde a duniya na?»

²³ A ba Yaisu á elvan ge ñane: «Máki wayitewáyá edda-aara, anƙwa á magá názená yá bakurná ya wá, Edderwa keni á wayetewaya edda-aara. Daaci ñere an Edderwa ñá de njá an edda-aara.

²⁴ Máki wayika edda-aara wá, názena yá anƙwa bakurná ya na keni a maƙka ɗekiɗeki. Amá a viyakurarka ganakini baɗemme á elva na yá bakurná ya na wá, elva á ire-aaruwa ka, a bina ba Edderwa na ni a belibela na.

²⁵ Yá anƙwa á bakurná ya elva-aha ñanna aɗaba zlaɓe yá anƙwa antara kure emtsaɗe.

²⁶ Má zlalanzlálá iya wá, watse Edderwa á belakurá Sheɗekwe Cuɗeɗɗe slemelanu ge ura á de sawa an zhera-aaruwa. Má watse samsa ñane wá, á se kwarakurse duksa baɗemme, á se yehakuranta ñane názena ya bakurnaa ya na baɗemme.

²⁷ «Kina wá, yá zlálá, náwa yá yakurá hairire. Hairire-aaruwa ñanna wá, gergere antara hairire na á vantá duniya ge ura. Yá

vakurte ba hairire na yá an ñane ya am er-vaunġe-aaruwa. Daaci a gazleka ervaunġe á kure ðekideki, dzamauka ire keni.

²⁸ Ábi kwa cenancena elva-aaruwa, a ba ya ma zlalanzlálá keni watse yá eptsa zlafe ádaliye ásezekure. Wayakuriwáyá tsawe wá, higauhiga áte zlálá-aaruwa keni, aġaba yá aṅkwa zlálá á dem mbá á Edderwa, yaikke ba Edderwa arge iya.

²⁹ Kina wá, fanakuremfa duksa-aha ñanna am vuwa geni vacitu má de gevge duksa-aha ñanna wá, kwá de fetarfe áte iya.

³⁰ Yá ndáka elva kwakya mazla-aara, aġaba aṅkwa á sawa slekse á duniya na. Amá á kwariyá ñane ka ðekideki,

³¹ á magava una ñanna, ba geni a diyared-diye emnde a duniya, ganakini wayanwáyá an Edderwa, yá maganá á ba áte una a binaa ñane ma uwe keni. Tsawetse mi zláláwa áhuna!»

15

Aṅkwa nafa tá ḡahaná an inabauhi, ya nafa ñanna, a ba Yaisu

¹ A ba Yaisu: «Ba iya una ya mama á inabauhi á jirire, Edderwa wá, ñane edda á fe á nafa ñanna.

² Daaci baġemme á erwa-aha na tá áte ya baaka nampire-aatare na, á ḡatsaná á ba á dem áhá edda á fe. Á hyahyalaná antara ba erwa-aha shagera shagera na keni cekwa cekwa, geni erwa-aha ñanna tá yá egdzere ñgeláma.

³ Daaci kure kina wá, kwá an tsaatse, á tsat-sakuraa názena ya kwarakursaa ya bademme na.

⁴ Gawevge emnde a nja á ba áte vuwa-aaruwa, iya keni yá njá á ba átevege kure. Erva a nafa máki icaráyica áte mama wá, á taa yeka egdzere mázla-aara. Ba duksa palle ge kure keni, kwá taa maganaaka ba názara keni máki kwa baaka atevege ya.

⁵ «Daaci ya mama á nafa nanna ba iya, kure kwa erva-aha-aaruwa. Edda una á njá á ba átevege ya, iya keni yá anƙwa átevege nane wá, nane á magannaamaga námpire ge Dadaamiya. Amá máki kwa baaka átevege iya, ya baaka átevege kure wá, kwá taa maganaaka ba názara keni.

⁶ Edda una á njá yiyiye an ya wá, á eblyanse-belye Dadaamiya ádegashe, ba seke náza erva á nafa na an ica na. Ta eblyanse á degashe, má welesewele tá fante kára.

⁷ Máki kwá nja á ba áte vuwa-aaruwa, elva-aaruwa keni kwá anƙwa emmága wá, naba ndavaundáva názena kwá kataná kure, kwá shánsha.

⁸ Máki anƙwa námpire na kwá maganá kure wá, tá de diyakureddiye emnde ganakini kwa pukura-aha-aaruwa ba jirire, tá de dise estuwa yaikkire á Edderwa keni.

⁹ Yá keni wayanakurwáya ba seke una a way-ita Edderwa na. Ma vaatara keni diyaweddiye ganakini wayanakurwayire.

¹⁰ Máki kwá anƙwa á fisarfe am názena yá bakurná ya wá, ma vaatara keni kwá diyed-diye ganakini wayanakurwáyá, ba seke una yá

anƙwa á fansaara ya ge Edderwa, ma vaatara keni diyandiya geni wayiwáyá Edderwa.

¹¹ «Ya sakuranse una na wá, ganakini a naatená higa-aaruwa na ni yá an ñane na am erwaunƙe á kure, geni kure keni á natená erwaunƙe á kure an higa ba kalkale antara náza-aaruwa.

¹² Náwa názena yá bakurná ya: Wayawaawe-waye am dagave á kure ba seke una ya wayakurtaa ya.

¹³ Máki ba mága wayavire wá, baaka arge una ni ura a naba yaa shifa-aara aƙaba slakate-aha-aara na.

¹⁴ Daaci kwa slakate-aha-aaruwa ba kure máki kwá anƙwa á maga názena yá bakurná ya.

¹⁵ Daaci estuwa wá, yá ƙaakurka an walaadi-aha mázla-aara, aƙaba walaadi diyaaka sawári na am ire á zánwe-aara. Yá ƙaakura á ba an slakate-aha-aaruwa, aƙaba shanakurushe sawari na ya shanaa áza Edderwa na baƙemme ge kure.

¹⁶ Kwa eksisaa kure ka lauktu ya gev Yaakadada á kure, amá ya dzerakursaa ba ya geni kwá se ƙabiƙaba. Ya fakuraare slera zlaƙe ádaliye, geni kwá maganaamaga nampire na ni saksage na. Daaci ma kwa ndavanu uwe ge Edderwa keni á vakurteva, máki kwá ndavaná an zhera-aaruwa.

¹⁷ Wayawaavewaye am dáƙave á kure. Ba una názu yá fakuraará ya.»

Duniya yanaaya Yaisu antara emnde-aara

¹⁸ «Máki yarakuraaya emnde a duniya wá, diyaweddiye ganakini ta yaa ba ya zunñwe.

19 Ma andze kwa emnde a duniya wá, ma tá yákuraaka emnde-aara keni, adaba ma kwa ba palle. Amá kwa emnde a duniyeka, ya dzerakursaa ya, ya sakurse am itare. Adaba una nanna yarakuraaya na.

20 Viyawanaaka kure ba elva-aaruwa na: Walaadí wá, á taa januka ge zanwe-aara an yaikkire. Máki ta faa zladá áte ya wá, watse tá fá zladá áte kure keni. Máki ta cena elva-aaruwa wá, názá á kure keni watse tá eccena.

21 Bademme á lámare nanna wá, tá de magakurte adaba ba zhera-aaruwa, adaba diyarka edda una ni a belibela na.

22 Ma andze sanemka á se ndaternda wá, ma haypa-aatare ka. Amá kina wá, watse baaka we-aatare mazla-aara, ba haypa-aatare.

23 Ma a yiyaa ware keni, a yaa ba Edderwa.

24 Ma andze magannaaka slera-aha na ndza magaaveka am dagave á emndimagwaha dekideki na áte ice-aatare wá, ma haypa-aatareka. Amá náwa naranna slera-aaruwa bademme, aley yarañeraaya antara ba Edderwa keni.

25 Mága-aatare nanna wá, a gevaa ba názena an puwa am tawrait-aatare. Ankwa an puwa am *tawrait, a ba nane: Yariyaaya ba dey.»

26 A ba nane á elvan ge itare zlahe adaliye: «Watse á sawa Slemelakurumele á de vakurtá Edderwa, yá de belaná á sawa am mba á nere máki danaada ya. Slemelakurumele nanna wá, Shedekwe Cudedde á kwaratersá nane jirire ge emnde, á se maganá nane seydire áte ya.

27 Kure keni watse kwá mága seydire áte ya, adaba ya fantuwa estuwa slera-aaruwa, sem

kina ma ba kerde.»

16

¹ «Náwa yá anƙwa fakuremfa am vuwa á kure, ganakini a de kezlevka fetarfire á kure áte ya.

² Adaba watse tá ngyakurngye am jeba á Yahudiya ba deƙideƙi, kwá duka á dem mashidi. Anƙwa á sawa sarte umele wá, ma a janaa ware shifa á kure keni, á de banba am ervaunƙe-aara geni á maganá slera shagera ge Dadaamiya.

³ Una nanna tá de maganá adaba diyaraŋerka ma Edderwa, ma iya keni.

⁴ Kwaya nane, fanakuremfa am vuwa á kure zlauzle. Daaci má samsa sarte nanna wá, watse kwá diyeddiye ganakini ya ndakurndá.»

Slera á Shedeƙwe Cudeƙe am duniya

A ba nane á elvan ge itare: «Ndanakurka una am fantaufe na wá, adaba yá anƙwa ba ya an ire-aaruwa am dagave á kure.

⁵ Kina wá, ya ndakursende adaba yá anƙwa eptsá á deza edda una a belibela na. Amá baaka ura a ndaviyu elva am dagave á kure áte zlala-aaruwa nanna.

⁶ Kwá dzámá ire estuwa adaba ya bakuraa yá eptsá ádeza edda una á belibela na emtu?

⁷ Amá yá ndaakur ba jirire: Baira ge kure wá, shagera ba yá zlalá nanna. Adaba máki zlalanka ya, á sawka Slemelakurumele na keni. Amá máki zlalanzlalá ya wá, yá de belá nane, á de sawa nane ásezekure.

⁸ Má watse samsa nane wá, á se weratertá ice ge emnde a duniya áte haypa-aatare, áte

jirire-aaruwa antara áte shairiya na á de kyáná Dadaamiya.

⁹ Haypa-aatare ñanna wá, adaba fartareka áte ya.

¹⁰ Ate jirire-aaruwa keni maa, adaba watse kwá nika mazla-aara yá eptsa ádeza Edderwa.

¹¹ Ate shairiya á Dadaamiya maa, adaba ñateraana shairiya antara slekse á duniya na bademme.

¹² «Kwakya duksa na yá kátá bakurná ya, amá yá ndakurka adaba zlaɓe kwá dzegwánka.

¹³ Daaci má watse samsa Shedekwe Cudedde ñanna á kwaranse jirire ge ura na wá, watse á se ndakursá ñane jirire á duksa bademme. A se ndaakur elva á ire-aareka, amá á se ndáhá ba názena ni a cenáncena na, antara duksa na watse á magava á katafke na bademme.

¹⁴ Watse á se mbedakurwa ñane elva-aaruwa, daaci estuwa emnde bademme watse tá nanna yaikkire-aaruwa.

¹⁵ Bademme á duksa á Edderwa ba náza-aaruwa. Ya bakurnaa adaba una, watse Shedekwe Cudedde á sakurá elva-aaruwa.»

Dzama ire á de gev higa yaikke

¹⁶ A ba Yaisu á elvan ge itare: «Á de katafke cekwaanɗudí wá, watse kwá nika. Má shek-waashekwa cekwaanɗudí, watse kwá nina zlaɓe ádaliye.»

¹⁷ Daaci a bá pukura-aha umele am dagave-aatare: «A ba Yaakadada, á de katafke cek-waanɗudí wá, watse kwá nika. Má shek-waashekwa cekwaanɗudí wá, watse kwá nina zlaɓe ádaliye. A ba ñane zlaɓe ádaliye: Yá zlala

á dem mbá á Edderwa, watse kwá nika na mu, amaana estara ñane elva ñanna?»

¹⁸ A ba itare: «Á de katafke cekwa na á ndaana ñane na wá, ñá taa diseka ñekideki.»

¹⁹ Amá kertenj diyeddiye Yaisu ganakini anƙwa ndáva-aatare azenjara. Daaci a ba ñane á elvan ge itare: «Kwá kátá dise elva-ara ñane kwá anƙwa á ndava am dagave á kure na? Ba elva na ya bakurnaa ya, á bá ya: Á de katafke cekwaanƙuđi watse kwá nika, má shekwaashekwa cekwaanƙuđi, watse kwá nina zlaɓe á daliye na emtu?»

²⁰ Yá ndaakur ba jirire: Kure wá, watse kwá kyuwa, watse kwá tsákáná á ba antara ɗakwa. Emnde a duniya wá, watse tá dzaka. Watse kwá dzámá ire kwakya, amá cekwaanƙuđi á de katafke wá, á de gev higa yaikke ge kure.

²¹ Ba seke náza á mukse á huɗe, máki herzhe yá-aara wá, sey ba á dzámá ire aɗaba herzhe zlaɗa-aara. Amá má yaaya wá, á shá higa yaikke, á gev ba seke ndza wanka duksa, aɗaba yaaya ura.

²² Watse ba duksa palle ge kure keni, kina wá, kwá anƙwa dzama ire, amá watse yá nakurná zlaɓe á daliye ba kure ñanna, kwá higa, watse ɓaaka ura á dzegwándzegwa piya higa ñanna am kure.

²³ «Má watse samsa sarte ñanna wá, baɗemme á maana á duksa watse á ba bálá ázekure, ɓaaka ura á de ndava elva ázerwa. Yá ndaakur ba jirire: Ma kwa ndava uwe an zhera-aaruwa keni, á vakurteva Edderwa.

²⁴ Zlaɓe ndavakurka emtsaɗe ba názara keni an zhera-aaruwa. Ndavaundáva, kwá shánsha

dukسا na kwá ndavaná kure, geni a natena higa am ervaunđe á kure.»

Yaisu gaaga ndzedá arge duniya

²⁵ A ba ñane á elvan ge itare zlaɓe ádalije: «Sem vatena wá, yá eksa dukسا á duniya ganakini yá palakurá sera á elva á Edderwa an ñane. Amá anƙwa á sawa sarte na ni watse yá ndaakur elva á Edderwa ba parakke.

²⁶ Má samsa sarte ñanna wá, watse kwá ndavaná ba kure an ire á kure dukسا áza Edderwa an zhera-aaruwa. Bawanka ni watse yá yekakurná ba iya dukسا.

²⁷ Adaba Edderwa wayakurtewáyá kure keni. A wayakurte adaba kure wayakuriwaya, fakurtarfe geni ya sawa ázeñara.

²⁸ Ba jire ya sawa á ba áza Edderwa, ya sem duniya. Kina wá, yá anƙwa ya duniya, yá eptsá á deza Edderwa.»

²⁹ A ba pukura-aha-aara: «Yawwaa, una wá, ndaksenda elva párákke, baaka naraje am hufe-aara fekiɓeki.

³⁰ Kina wá, diyañerdiya ganakini diyakdiya dukسا baɓemme, diyakdiya ka názu am ire á ñere, baaka ni ñá ndavaku an ndave emtsaafé. Adaba una ñanna diyañerdiya mázla-aara geni ka sawa áza Dadaamiya.»

³¹ A ba Yaisu á elvan ge itare: «Diyakurdiya mázla-aara ka?

³² Amá anƙwa á sawa sarte umele, ba kina keni samsa wá, baɓemme watse kwá kyivaarkye, ma ware keni watse á zhagade á de cuwa há-aara, watse kwá yiya ba ya palle. Amá ge jirire wá,

watse ya palle ka, adaba anƙwa Edderwa antara ya.

³³ Bademme á una ɲanna yá anƙwa fakurem am vuwa na wá, geni a gazleka ervaunde á kure dƙidƙeki, adaba kwa ba palle antara ya. Am duniya na wá, kwá shushe zlaɗa, amá tsawaatse ba shagera, adaba gannaaga ya ndzedá arge duniya.»

17

Maduwa á Yaisu arge pukura-aha-aara

¹ Am sarte na zланаazle elva-aara Yaisu, a kante ice á dem samaya, a ba ɲane: «Eddaye-aaruwa, kina wá, hyephye sarte mázla-aara. Marateranmárá yaikkire á Egdza á ɲa ge emnde, geni ya keni ya marateranmárá yaikkire á ɲa.

² Adaba ka vitaa ba ka hákuma áte emnde bademme, geni yá vaterte shifa na á zleka na, ge emnde na ka dzeratersaa ka ge se dƙidƙaba.

³ Shifa na á zleka ɲanna wá, ba ni a di-yaraksediya ba shagera, ka Dadaamiya á jirire baaka umele, a diyariyeddiye iya Yaisu *Almasi-ihu na ka beliyaa ka.

⁴ Maranateránmárá yaikkire á ɲa ge emnde am duniya, magannaamaga slera na ni ka fiyaara ka.

⁵ Daaci kina wá, eptsiyaptsa kwa á dem yaikkire-aaruwa na ndza yá am kwa átevege ekka kwaye zlaɓe nderaaveka duksa ba dƙidƙeki na.

⁶ «Kwaranatersekwere zhera á ɲa bademme ge emnde na ka dzeratersaa ka am duniya, ka vite ge dƙidƙaba na. Ta emnde á ɲa ba ge ekka,

amá ka puwatermaa am erva-aaruwa. Itare wá, tá anƙwa cena elva á ɲa, tá anƙwa á faksarefe.

⁷ Kina wá, itare diyardiya baɗemme ganakini baɗemme á názena ya shanaa ya ázena, a sawa á ba ázena.

⁸ Mbedanaterumbede elva á ɲa baɗemme, lyarvaalya an ervaunɗe-aatare palle, diyardiya ganakini ba jirire ya sawa ázena, fartarefe geni ka beliyaa ba ka.

⁹ «Yá anƙwa ɲaláká adaba itare. Yá ɲalák ge duniya baɗemme ka, amá adaba emnde na ni ka vite ge ya na. Ta emnde á ɲa ba ge ekka.

¹⁰ Duksa-aaruwa, ba duksa á ɲa. Duksa á ɲa keni ba duksa-aaruwa. Daaci emnde tá zharaná am itare yaikkire-aaruwa.

¹¹ Iya wá, yá anƙwa yá duniya, yá eptsá á dezenia, amá itare wá, zlaɓe tá njá á ba am duniya na. Edderwa ka cufedɗe, yá anƙwa dá kina á dezenia na wá, yá anƙwa ɲalakɲála geni ká tsufatertsufa an hákuma na ni anƙwa am zhera á ɲa, zhera á ɲa na ka vite ge iya na, geni itare keni a garevge palle, ba seke una ni miya antara ka ma ba palle na.

¹² Am sarte na yá anƙwa ya am dagave-aatare wá, tsufanateraatsufa an hákuma na anƙwa am zhera á ɲa, zhera na ka vite ge ya na. Baaka ura kedaakeda am dagave-aatare, sey ba edda una anƙwa elva-aara ta puwete am wakita á ɲa na. Gevge ba kalkale antara una a ndaanaa wakita.

¹³ Amá kina yá anƙwa tse, yá zlala á dezenia na wá, yá anƙwa ndaha elva ɲanna antara ka emtsaade, geni ma zlalanzlala keni, a naatenaha

ervaunċe-aatare an higa ba kalkale antara náza-aaruwa.

¹⁴ Mbedanaterumbeda elva á ña, lyarvaalya an ervaunċe-aatare palle. Amá wayaraterka emnde a duniya mazla-aara, adaba garevge gergere. Ba seke una iya keni ganevka ura á duniya na.

¹⁵ Yá ñalák ganakini ká satersese am duniya bademme ka, amá geni ká tsufatertsufa, a mag-aterteka emtarċkire slemándzawe.

¹⁶ Ba seke una ni ya ura á duniya ka ya na wá, itare keni ta emnde a duniya ka.

¹⁷ Emmága sleksire á ña am ervaunċe-aatare, barateraabará an jirire á ña. Ba elva á ña una jirire ñanna.

¹⁸ Ba seke una ka beliyaa ka á sawa am samaya, á sem duniya na wá, iya keni yá anċkwa á belaterbela á dem huċe á duniya.

¹⁹ Yá anċkwa vakte ire-aaruwa bademme adaba itare, geni itare keni tá yaká ire-aatare á ba an jirire.

²⁰ «Kina wá, yá ñaláká arge itare ka palle mazla-aara, yá ñaláká arge emnde na ni watse tá de fetaare áte ya adaba waazu-aatare na keni bademme.

²¹ Yá anċkwa ñalakñála Edderwa, geni bademme-aatare ñanna, ká gatervege ba palle, lauktu tá gevge palle antara miya, ba seke una yá anċkwa am ka, ka keni ká anċkwa am ya na. Itare keni a garevge palle, lauktu tá de fetarfe emnde a duniya ganakini ka beliyaa ba ka.

²² Yaikkire na ni ka vitaa ka ge iya na wá, vanaterteva ya ge itare keni, geni a garevge palle,

ba seke una miya antara ka ma ba palle na.

²³ Ba seke una ni ekka ká anƙwa am ya, iya keni yá anƙwa am ka na wá, itare keni a garevge ba palle. Á de dise áte una ɲanna duniya ganakini ka beliyaa ba ka, wayakaterwáyá itare keni ba seke una ka wayite ya na.

²⁴ «Daaci Edderwa, emnde ɲanna ka vitaa ka na wá, yá kátá itare keni tá de njá á ba am tate na yá de njá ya átekwa na, geni a naránna yaikkire na ka vitaa ka. Yaikkire-aaruwa ɲanna wá, adaba wayakitewáya kwaye zlaɓe nderaaveka duksa ba dekiɓeki na.

²⁵ Eddaye-aaruwa, ka ura jirire, amá di-yaraŋka emnde a duniya, ya diyaksaa ba ya. Emnde ɲanna ka vitaa ka na keni diyardiya ganakini ka beliyaa ba ka.

²⁶ Kwaranatersekwáre zhera á ɲa ge itare, yá anƙwa á kwaratersekwáre zlaɓe ádaliye dem katafke keni, ganakini wayava na ka wayitaa ka an ɲane na wá, itare keni tá wayaavewáye á ba áte una ɲanna, iya keni yá njinja am itare.»

18

Ta eksanaa estuwa Yaisu

(*Mat. 26:47-56; Mark. 14:43-50; Luka 22:47-53*)

¹ Am sarte na zlanazle Yaisu mága maduwa ɲanna, mazla-aara ta naba zlálá antara pukura-aha-aara á dete iga a egdza guwa na tá dʼaaná an Kaidairaun na. Anƙwa fe áte iga a guwa ɲanna maa, ta demhe am fe ɲanna antara pukura-aha-aara.

² Yahuda na a velanaa ɲane Yaisu na wá, ɲane diyaadiya tate ɲanna. Adaba mbaasemba Yaisu ge dem tate ɲanna antara pukura-aha-aara.

³ Daaci a dateraa Yahuda ɲanna sawji-aha, antara emnde a ufa mashidi na ta belateraa male-aha á *liman-aha antara *Farisa-aha na. Daaci daredde, tá an kazlaɲa á wáva-aatare am erva, antara kára á fanus-aha-aatare, ira kára á názambakara.

⁴ Yaisu wá, diyaadiya ɲane názu watse á shá ɲane bademme. A tsetehe, a ba ɲane á elvan ge itare: «Kwá aɲkwa tatayá ware kure?»

⁵ Ta ɲwanante, a ba itare: «Ŋá aɲkwa tatayá ba Yaisu ura Nasarátu.» A ba Yaisu á elvan ge itare: «Ya Yaisu ɲanna ba iya.» Daaci ta tsaahé kwa, antara Yahuda na a velanaa ɲane na á tse á katafke-aatare.

⁶ Am sarte na ni ya Yaisu ɲanna ba iya, a ba Yaisu á elvan ge itare na wá, bademme eptsaraapetsa an iganiga, reppe puwaraapuwa á dem áhá bademme.

⁷ Yaisu a ndavateruhe zlaɓe ádaliye: «Kwá aɲkwa tatayá ware kure?» Ta ɲwanante, a ba itare: «Ŋá aɲkwa á tatayá Yaisu ura Nasarátu.»

⁸ A ba Yaisu á elvan ge itare: «Ábi ya ndaakurn-daha? Máki kwá aɲkwa á tatayá ba iya wá, yawáteryá emnde na a zlarzlálá, ya Yaisu ɲanna ba iya.»

⁹ Yaisu a ndaa una ɲanna, geni a gevge á ba áte elva-aara na a banán ge Eddenara Dadaamiya na, adaba a ba ɲane: «Ba ura palle keni kedfaaka am dagave á emnde na ka vitaa ka.»

¹⁰ Simaun Piyer maa, anƙwa masalam ázeɲara, a naba tedese masalam-aara ɲanna, a waa walaadɪ á male á *liman-aha an ɲane, a lanaa hyema á naɗafa. Zhera á walaadɪ ɲanna Malkus.

¹¹ Amá a ba Yaisu á elvan ge Piyer: «Femfa masalam á ɲa am bere-aara. Ka kurken eksa-narka shá zladfa na a fiyaara Edderwa emtu?»

Daránda Yaisu á dem mba á Hannas

¹² Daaci ta naba gwarhe ge sawji-aha antara male-aatare ira Yahudiya-aha emnde a ufa mashidi na, ta naba puwete zawa áte Yaisu.

¹³ Zunɲwe wá, ta daa Yaisu á dem mbá á Hannas emtsaade, shawleɲara ge Kayafas male á *liman-aha am sarte ɲanna.

¹⁴ Ba Kayafas na ndza a baterán ge Yahudiya-aha, a ba ɲane: «Máki jamija shifa-aara ɲane palle, á shansha ire-aara larde á miya na.»

A ba Piyer: Ya pukura á Yaisu ka

(*Mat. 26:69-70; Mark. 14:66-68; Luka 22:55-57*)

¹⁵ Simaun Piyer antara pukura umele wá, ta daa ɗaba Yaisu am sarte na eksarɲaaksa na. Palle á Piyer ɲanna wá, male á *liman-aha diyaadiya ɲane ba shagera. Aɗaba una ɲanna a shaa baráma á ɗaba Yaisu á de ba am huɗe á há á male á liman-aha.

¹⁶ Amá Piyer wá, a tsaahé áte we á wakyiya. Daaci a naba eptsehe ge pukura palle na diyaadiya male á liman-aha na, ta se ndaave elva antara mukse na á ufa wakyiya na, daaci a dánme Piyer keni á dem huɗe á há.

¹⁷ Mukse ɲanna sle-ufa wakyiya na a se ndavanu ge Piyer, a ba ɲane á elvan ge ɲane: «Ábi ka keni ka ba pukura á zhel ɲanna?» A ɲwete ge Piyer, a ba ɲane: «Iya ka».

¹⁸ Am sarte ɲanna aɲkwa ekhye maa, mbaran-tembe kárá walaadi-aha antara emnde a ufa mashidi, tá aɲkwa á cena kárá na. Piyer keni a de tsaahé ázetare, tá cena kárá na kerde.

*Yaisu á katafke á Hannas male á *liman-aha werre*

(*Mat. 26:59-66; Mark. 14:55-64; Luka 22:66-71*)

¹⁹ Hannas emgyegwe a male á *liman-aha a ndavanu elva ge Yaisu áte pukura-aha-aara, antara názena a kwaratersaa ɲane ge emnde.

²⁰ A ɲwanante ge Yaisu, a ba ɲane á elvan ge ɲane: «Bademme á elva-aaruwa ya ndahán ba párákke. Ya kwaraterse ge emnde am *mashidi yaikke, antara am egdzar mashidi-aha. Baaka elva na ya ndaanaa an shebe dekiŋdeki.

²¹ Labara ká ndaviyu elva áte una ɲanna? Ndavaterundave ba ge emnde na ni a cenanaa hyema-aatare elva am mbuwe-aaruwa, itare diyaardiya názena ya ndaanaa ya.»

²² Ba a ndaase una ɲanna Yaisu wá, palle á emnde a ufa mashidi na tá á tsatse áhuwa, a se vante babárva, a ba ɲane á elvan ge Yaisu: «Tá ɲwanante ba estuwa ge male á liman-aha?»

²³ A ba Yaisu á elvan ge ɲane: «Máki ya ndaanaa an dzálá wá, naba ndaɲerndaa tate na ni ya ndaanaa an dzálá na. Amá máki ya ndaanaa á ba áte unɲule-aara wá, labara ká jija?»

²⁴ Daaci á bá liman Hannas: «Dawánda kwa á dem mba á Kayafas.» Ta daa Yaisu á ba an takwasa ɲanna á dem mba á Kayafas male á liman-aha.

Dalide Piyer ge baa ɲane pukura á Yaisu ka
(*Mat. 26:71-75; Mark. 14:69-72; Luka 22:58-62*)

²⁵ Am sarte ɲanna, zlaɓe Simaun Piyer á ba tse áte we á kára na, á cena kára. Ta ndavanuhe ge emnde a cena kára ɲanna, a ba itare tá elvan ge ɲane: «Ka keni ka ba palle á pukura-aha á zhel ɲanna ka?» A ɲwete ge Piyer a ba ɲane: «Ya pukura-aara ka.»

²⁶ Ankwa palle á walaadi-aha á male á *liman-aha, ba egdza emmeɲara ge edda una Piyer a icanaa hyema an masalam na, a ba ɲane á elvan ge Piyer: «Ka ni nananjka antara ɲane am fe áhuwa na?»

²⁷ «Aley ba ya pukura-aara ka», a ba Piyer. Ba ɲane keni ndaasende, tsaktsakwalikwaa a ba tsákálá.

*Yaisu á katafke á sleksu *Pilaatu*

(*Mat. 27:1-2, 11-14; Mark. 15:1-5; Luka 23:1-5*)

²⁸ An enjlya werre wá, ta danse Yaisu am mbá á Kayafas male á *liman-aha, ta dánaa á dem mbá á *Pilaatu slekse yaikke ta fanaa emnde a Rauma. Amá darka Yahudiya-aha á dem huɗe á há á slekse ɲanna, adaba tá an bára cufedɗe, anjwa muɲri á *Paska á katafke-aatare geni tá shánsha zá muɲri ɲanna.

²⁹ A segashe adaba una ɲanna sleksu Pilaatu ásezetare ágashe, a ba ɲane á elvan ge itare: «Kwa se puwaar ugje adaba uwe ge zhel na?»

³⁰ Ta ṅwanante ge slekse, a ba itare: «Ma andze ɓaaka názu á maganá ṅane wá, ma ṅá sánka á sem mbá á ṅa.»

³¹ A ba sleksu Pilaatu á elvan ge itare: «Máki ba estuwa wá, nawmbare dawánda, de kyawkya ba kure shairiya-aara áte una am *tawraitá á kure.» Ta ṅwanante ge male-aha á Yahudiya-aha, a ba itare tá elvan ge ṅane: «Adaba ɓaaka baráma-aara ge ṅere, ganakini ṅá kyá shairiya a keɗa shifa á ura.»

³² Mága ṅanna wá, sesse jirire á elva á Yaisu na a ndaanaa áte emtsa-aara na. Adaba a ba ṅane: Watse tá tsitetse áte dzaṅgala.

³³ *Pilaatu a naba demhe am huɗe á há-aara, a ɗaante Yaisu, a de ndavanuhe, a ba ṅane á elvan ge ṅane: «Ba ka una ka slekse á Yahudiya-aha na emtu?»

³⁴ A ba Yaisu á elvan ge ṅane: «Una ba elva á ire á ṅa emtu, ta se ndaaka emnde he?»

³⁵ A ba Pilaatu á elvan ge Yaisu: «Iya ya ura Yahudiya emtu? Ábi ta se puwakaare ugje ba emnde á kure antara male-aha á *liman-aha ázerwa, ka gu uwe ka?»

³⁶ A ṅwanante ge Yaisu, a ba ṅane á elvan ge ṅane: «Ya slekse, amá kwára-aaruwa wá, am duniya ka. Ma andze tate na yá kwaraná ya am duniya wá, ma tá sawa kwakwane-aha-aaruwa á se waviyuwawe, ma tá eksivaaka Yahudiya-aha ɗekideki. Amá tate na ni yá kwaraná ya na wá, am duniya ka.»

³⁷ A ba Pilaatu á elvan ge ṅane: «Máki estuwa wá, ka slekse kwa?» A ba Yaisu á elvan ge ṅane: «Ba seke ndáhá ṅa. Ya slekse. Dalila á

sawa-aaruwa á sem duniya na wá, a siyaa ba se maratera jirire ge emnde. Ta yiyaa adaba ba una nanna. Edda una anƙwa jirire ázeɗara wá, á cená elva-aaruwa keni.»

³⁸ A ba Pilaatu á elvan ge nane: «Uwe nane jirire nanna?»

Am iga-aara maa, a naba sessehe zlaɓe ádaliye ge Pilaatu nanna áseza Yahudiya-aha na ágashe, a ba nane á elvan ge itare: «Shanáƙa ya haypa áte zhel na ba palle keni.

³⁹ Am mbakurseme ganakini ba kelaa sakan-deri yá belakurá dangay palle am munri á *Paska maa, wayakurwáya emtu an slekse á Yahudiya-aha yá belakurnaafela á da?»

⁴⁰ Amá a ba itare bademme-aatare tá elvan ge nane á bá an ká kwára: «A'aa nane ka, belanaaka nane. Nere ná hayá ká belanera Barabas.» Degiya Barabas nanna sleceɓa shifa.

19

*Njarantenja am shairiya ge ja shifa á Yaisu
(Mat. 27:15-31; Mark. 15:6-20; Luka 23:13-25)*

¹ Daaci a ba slekse á elvan ge sawji-aha-aara: «Dawánda Yaisu, de zawuze an ja.»

² Ta dánhe ge sawji-aha Yaisu na, ta de nderse dáke, ta fadanse ire an nane, ákurá *ɗanƙaula, ta tsekwanme am dira kyanɗe.

³ Mazla-aara ta tsaahé ákatafke-aara, ta gyanu rume: «A vakteva Dadaamiya shifa slekse á Yahudiya-aha!» Daaci ta naba vavante babárva.

⁴ Am iga-aara maa, sleksu *Pilaatu sesse zlaɓe ádaliye áseza zlamaakelaawa, a ba nane á elvan ge itare: «Kwaye yá de sansese zhel nanna á se

katafke á kure, ba palle keni shanáka ya haypa-aara, ganakini yá ngudaná adaba nane.»

⁵ Daaci ta sanse Yaisu ásegashe wá, an tsekwa am dira kyanne, ta fadanse ire an dake. A ba slekse á elvan ge itare: «Kwaya nane zhel nanna.»

⁶ Aley ba ta puwete ice-aatare áte Yaisu, *liman-aha antara emnde a ufa mashidi wá, ta kante kwara á ba á dem zhegela, a ba itare tá elvan ge slekse: Zlenlezlenela áte dzaŋgala. Baɗemme-aatare tá ndaha ba nane. «Áy náwmbare de zlenelawzlenela ba kure áte dzaŋgala nanna, shanáka ya haypa na ni yá zlenelaná adaba nane.»

⁷ A ba Yahudiya tá elvan ge nane: «Máki áte shairiya na am *tawraitá á nɗere wá, á njeka an shifa ɗekidɗeki, adaba a bantsa nane: nane *Egdza á Dadaamiya.»

⁸ Am sarte na cenáncena sleksu *Pilaatu, a ba Yaisu nane Egdza á Dadaamiya na wá, farfe zlaɓe ádaliye gázla-aara.

⁹ A eptsehe zlaɓe ádaliye á dem huɗe á há, a de ndavanu ge Yaisu, a ba nane á elvan ge nane: «Ka ura ekse-ara ka?» Amá nwanárka Yaisu ɗekidɗeki.

¹⁰ A ba slekse á elvan ge nane: «Ká nweka ndza? Diyakika ganakini yá an hákuma ge ɓelakaabɓela, bi ya zlenelakhe áte dzaŋgala emtu?»

¹¹ A ba Yaisu á elvan ge slekse: «Hákuma nanna ká maganá ka áte ya na keni a vaktaa ba Dadaamiya. Ma andze vakteka Dadaamiya wá, ma ɓaaka hákuma á na áte ya ba cekwaanɗuɗi

keni. Daaci kwakya ba haypa á edda una a se vite ge ekka na arge haypa á ña.»

¹² A fantau á ba am sarte ñanna slekse, ßaaka názu magaaka ganakini á belanaabela Yaisu. Amá ta puwaar hula Yahudiya-aha, a ba itare tá elvan ge ñane am hula-aatare: «Máki belakanaabela zhel na wá, ka ura á male á larde a Rauma ka ðekideki. Adaba ura ni a ganve ire-aara slekse na wá, ñane kelaade á male á haha á Rauma.»

¹³ Ba a cenaa elva ñanna sleksu *Pilaatu wá, a naba sanse Yaisu ádaliye, a njema am kurshi á shairiya áte egdza gavaye-aara ta maganaa án nákwá, an elva á Ibraniñkau tá ðaháná an Gabbata.

¹⁴ Am sarte ñanna wá, herzhe á maga vacitire. Ba makuralla-aara una muñri á *Paska. Daaci a ba sleksu *Pilaatu á elvan ge Yahudiya-aha: «Náwa slekse á kure».

¹⁵ Amá a ba itare á bá an ká kwara á dem samaya: «A njeka an shifa! A njeka an shifa! Zleñelezleñela áte dzañgala», a ba itare. A ba slekse á elvan ge itare: «Yá já slekse á kure emtu?» A ba male-aha á Yahudiya-aha tá elvan ge ñane: «Baaka slekse á ñere umele arge male á larde á Rauma.»

¹⁶ Daaci slekse a naba yateraa Yaisu, ganakini a de zleñelarzleñela áte dzañgala, ta danhe ge sawji-aha.

Zleñelarzleñela Yaisu áte dzañgala
(*Mat. 27:32-44; Mark. 15:21-32; Luka 23:26-43*)

17 Daaci daransede Yaisu á dete iga a ekse, a sepanaa ba ɲane dzaɲgala-aara á dem tate na tá d'aaná an Gaulgauta an elva a Ibraniɲkau-aha na, amaana: Tate á delame á ire.

18 Daraada áhuwa maa, sawji-aha na ta naba zleɲela Yaisu áte dzaɲgala. Aɲkwa zala buwa ta zleɲelaterhe kerde. Palle ta zleɲelehe áte dzaɲgala am naɗafa á Yaisu, ura palle keni am názlaba, Yaisu am dagave, ma ware keni áte dzaɲgala ge ire-aara.

19 Sleksu *Pilaatu a puwete názena ni ta jaa Yaisu átuge na, a fete áte dzaɲgala. Náwa názena a puwetaa ɲane: Yaisu ura Nasarátu, ɲane slekse á Yahudiya-aha.

20 Kwakya Yahudiya-aha na de ndarsende puwa ɲanna, aɗaba yiyiyeka an kevaye an berni. Puwa ɲanna keni ta puwete an elva a Ibraniɲkau, an elva a Yunaniɲkau, ira elva a Rauma.

21 Amá a ba male-aha á Yahudiya-aha tá elvan ge sleksu Pilaatu: «Puweka slekse á Yahudiya-aha na, puwetepuwa: A bantsa ɲane ya slekse á Yahudiya-aha.»

22 Amá a ba slekse á elvan ge itare: «Názu puwantepuwa wá, á njá á ba áte una ɲanna.»

23 Sawji-aha am sarte na zlaruzle am zleɲela Yaisu maa, ta tegaa naɲgyuwe-aara am dagave-aatare gergere ufade áte itare. Daaci a juwa zane-aara icarka an ica ɗekideki, ta hán ba estuwa.

24 A ba sawji-aha am dagave-aatare: «Tataumika zane na, magaumimága njeri, watse á jesarje edda una á zaná ɲane na.» Daaci

estuwa, gevge ba seke una an puwa am wakita á Dadaamiya. A ba wakita á Dadaamiya wá: Ta tegaa nangyuwe-aaruwa am dagave-aatare, ta magaa njeri áte zane-aaruwa.

²⁵ Tara emmenjara antara egdza emmenjara mukse ge emmenjara njanna, antara Maari mukse á Kaulaupas, ira Maari mukse na am Magdala na, itare tá á tsatse á ba áte vuwa á dzangala na Yaisu átekwa na.

²⁶ Yaisu a belanu ice ge emmenjara, tá antara pukura-aara na ni kwakya-aara a wayete ba njane na, a ba njane á elvan ge emmenjara: «Emmaaye, dawale njanna wá, egdza á nj ba njane.»

²⁷ A ba njane á elvan ge pukura njanna: «Emmena ba njane.» Pukura njanna a naba eksante Maari á ba am sarte njanna, a danaahe á dem mba-aara.

Emtsa á Yaisu

(*Mat. 27:45-56; Mark. 15:33-41; Luka 23:44-49*)

²⁸ Am iga a una njanna maa, am diyaadiya Yaisu ganakini zlauzle slera-aara bademme, a ba njane: «Á wiya ndera.» Estuwa gevge názena a ndahanaa wakita á Dadaamiya.

²⁹ Daaci anƙwa hwámá ta netaa mbazla á egdza nafa am hude-aara danɗane mbazla njanna; duwa á sawji-aha, ta ngudete jeba á sausau umele áte lálá, ta shebeme am mbazla njanna, ta fante áte we ge Yaisu.

³⁰ Ba a shu una njanna Yaisu, a ba njane: «Kina wá, zlauzle slera-aaruwa bademme.» Mazla-aara a naba gá ire-aara, a emtsehe.

Zhel sawji a waa Yaisu an upa am slerpa

³¹ Vacite ɲanna maa, makuralla-aara kwaskwe á puwansepuwe á Yahudiya-aha, kwaskwe á puwansepuwe ɲanna keni jauje ge kwaskwe á puwansepuwe-aha umele, adaba muɲri á *Paska. Adaba una ɲanna wayarka male-aha á Yahudiya ganakini kwaskwe á puwansepuwe á se berá emtsa á emnde áte dzangala. A deteraa una ɲanna á deza sleksu *Pilaatu, geni a kazlaratervekazla emnde na am sera, a tsek-warateraatsékwa áte dzangala-aha.

³² Daaci duwa á sawji-aha, ta de kazlaa emnde buwa na ta zlejelateraa antara Yaisu áte dzangala na am sera.

³³ Amá Yaisu wá, ta beraa baaka shifa am ɲane. Adaba una ɲanna kezlarka sera-aara ge ɲane.

³⁴ Amá palle á sawji-aha a naba wehe an upa am slerpa wá, kertenj a kelaa uzhe antara yawe ásegashe.

³⁵ Una a ndaanaa ba edda una a naanaa an ice-aara. Ankwa á maga seydire-aara ganakini ba jirire. ɲane wá, diyaadiya ganakini a geva ba estuwa ba jirire, geni kure keni kwá fetarfe.

³⁶ Una ɲanna gevge ba kalkale antara una an puwa am wakita: A ba wakita á Dadaamiya wá: Tá de kyabeka hyahya-aara dekideki.

³⁷ Am tate umele zlaɓe adaliye á ba am wakita á Dadaamiya ɲanna, a ba ɲane: Watse tá zhára edda una ni ta wanaa an upa na.

Zlavarnaazlava Yaisu am irekhya

(*Mat. 27:57-61; Mark. 15:42-47; Luka 23:50-56*)

³⁸ Am iga á una ñanna maa, anƙwa Yusufa umele ura Arimatiya, a de ndavanaa ñane barama áza sleksu *Pilaatu, ganakini á tsek-wanaatsekwa emtsa á Yaisu, á dándá. Yusufa ñanna wá, fetarfe áte Yaisu, amá ndahaaka parakke adaba á wáná lyawa átuge Yahudiya-aha. A duwa ñane ádeza slekse, slekse a vante barama. Daaci a de eksantaa ñane emtsa á Yaisu.

³⁹ Nikaudaimus na ndza a deza Yaisu vacite umele an vayiia na keni anƙwa áza Yusufa ñanna. Nikaudaimus a duwa antara naavawe á nafa umele tá dahaná an Mirt, a weshaterte antara iga a nafa umele tá dahaná an Alauwe á se emtáke, á maga kilau kul keye.

⁴⁰ Ta tsekwanaa itare ta buwa ñanna emtsa á Yaisu áte dzangala, ta eksante, ta de fademe am kalpakane. Tá effádá ñanna wá, ta gete emtsaade naavawe á názase na áte kalpakane, lauktu ta fademe emtsa am huđe-aara, ta magán ba seke una tá maganá Yahudiya-aha má tá heɗa ura.

⁴¹ Anƙwa fe ba herzhe an tate á zlenela á Yaisu ñanna maa, anƙwa irekhya anwaslire ndza zlavarnaaka emtsa am huđe-aara dƙideki.

⁴² Am makuralla-aara kwaskwe á puwansepuwe-aatare, irekhya keni anƙwa ba herzhe na wá, ta naba heɗaa Yaisu am huđe-aara, adaba herzhe tá de maga niya á Yahudiya-aha.

20

Baaka Yaisu am irekhya

(Mat. 28:1-8; Mark. 16:1-8; Luka 24:1-12)

¹ An enlya werre ge laade, zlaɓe ba ice keni á zháreka wá, dedde Maari mukse á emnde a Magdala á dete irekhya á Yaisu. Duwa á Maari maa, a de beraa irekya á ba an wacene ɓaaka páláme átuge evege.

² Daaci ba eptsaaara, a zhágade á deza tara Piyer antara pukura na wayaawáyá Yaisu kwakya na, a ba ɲane á elvan ge itare: «Degiya tefarsetefe Yaakadada am evege, ma ta dánaa á deme keni diyarjeka.»

³ Ta naba duhe ge tara Piyer antara pukura ɲanna á dete irekhya.

⁴ Bukerde-aatare ta dá á ba zhagade. Amá á tedáná ba pukura palle na zhágade arge Piyer, daada ba ɲane zuɲɲwe áte irekhya.

⁵ A de zharaa ice á dem irekhya wá, a naa ba kalpákane á puwa ba dey. Amá wá, daaka á dem huɗe á irekhya.

⁶ Dámnda Piyer keni, ɲane a naba demhe á ba dem huɗe-aara, amá ɲane keni a de beraa ba kalpakane á puwa.

⁷ Amá baukta na ndza ta faɗanaa ire an ɲane na wá, an kazla, á bela á ba an ire-aara.

⁸ Daaci a naba demhe ge pukura na ni ndza a deme ba ɲane zuɲɲwe á dete irekhya na, a zharanaahe, a naba fetarehe ganakini tsetsa Yaakadada.

⁹ Se ba am sarte ɲanna keni ndza ce-naránka pukura-aha názena a ndahanaa wakita á Dadaamiya áte Yaisu, ganakini watse á tsetse am faya na.

¹⁰ Daaci ta naba dá-aatare ge pukura-aha buwa ɲanna.

Yaisu a maranse ire-aara ge Maari mukse á emnde a Magdala

(Mat. 28:9-10; Mark. 11:9-11)

¹¹ Am sarte ɲanna wá, eptsapetsa Maari zlaɓe ádaliye á sete we á irekhya. A tsaahé wá, á kyuwa. Duwa-aara á de zharaa ice á dem irekhya wá,

¹² á zhárá ba malika-aha ta buwa, tá am naɲgyuwe dzayye dzayye, tá njanja am tate na ndza ta zlavaa Yaisu na. Palle á malika-aha ɲanna a nja am tate á bela ire, palle keni ám tate á sera.

¹³ Daaci ta ndavanu elva malika-aha ɲanna: «Labara ká kyuwa emmaaye?», a ba itare tá elvan ge ɲane. A ɲwaterante, a ba ɲane: «Ya kyuwa Yaakadada-aaruwa, ma ta danaa á deme keni diyanka.»

¹⁴ Ba a ndaase una ɲanna, estuwa a eptsetaa ice wá, á zhárá ba Yaisu á tse, amá wá, diyaaka ganakini una ɲane.

¹⁵ A ba Yaisu á elvan ge ɲane: «Ká kyuwa uwe ka emmaaye? Ká tatayá ware ka?» Maari, ɲane a kurken ba edda una á maga slera am fe. Daaci a ba ɲane á elvan ge ɲane: «Máki ka danaa ka wá, tasle á ɲa biyanba tate-aara eddaaye, yá de eksanteksa.»

¹⁶ «Maari!» a ba Yaisu á elvan ge ɲane. A eptsaptse ge Maari á deɲɲara: «Rabbuni,» a ba ɲane á elvan ge ɲane an elva a Ibraniɲkau, amaana malum-aaruwa.

¹⁷ A ba Yaisu á elvan ge ɲane: «Piyiyanteka, aɗaba zlaɓe zlalanka emtsaade á dem mba á Edderwa. Amá ezzlala de bateránba ge egdzar mama-aha-aaruwa: Náwa tsanetse, watse yá

zlálá á deza Edderwa, kure keni Eddekure ba ñane, yá deza Dadaamiya-aaruwa, kure keni Dadaamiya á kure ba ñane.»

¹⁸ Daaci ba ezzlala-aara ge Maari mukse á emnde a Magdala na, a dateraa labare ñanna ge pukura-aha, a ba ñane á elvan ge itare: «Ya nanna Yaakadada!» A naba ndaterhe názena ni a bannaa Yaisu na.

Yaisu á maraterá ire-aara ge pukura-aha-aara (Mat. 28:16-20; Mark. 16:14-18; Luka 24:36-49)

¹⁹ Ba vaci laade ñanna maa, ta jamme ge pukura-aha am bere, am iga a manjaripu, ta naba zlanete we á bere-aha bademme an tsekweram adaba lyawa á Yahudiya-aha wá, tá zhárá ba dámnda Yaisu, a tsaathe am dagave-aatare. «A vakurteva Dadaamiya hairire,» a ba ñane á elvan ge itare.

²⁰ Am iga a elva ñanna maa, a marateraa erva-aha-aara antara slerpa-aara. Daaci higa ge pukura-aha adaba naranna Yaakadada.

²¹ A ba ñane á elvan ge itare zlafe adaliye: «A vakurteva Dadaamiya hairire. Ba seke una ni a beliyaa Edderwa á sem duniya na wá, iya keni yá anƙwa belakurbela á dem huƙe á duniya.»

²² Daaci a naba futateraare effeya an we, a ba ñane á elvan ge itare: «Kwayaumbare Shedekwe Cufedfe.

²³ Máki kwa yanaara kure haypa ge ura, Dadaamiya keni yanarye ge edda-aara. Máki yakuranaarka ge edda-aara, Dadaamiya keni yanaarka.»

Yaisu á maraná ire-aara ge Taumas

²⁴ Am sarte na a sawa Yaisu áseza pukura-aha na wá, baaka Taumas palle á pukura-aha, Wulhe keni ba zhera-aara.

²⁵ Samsa Taumas wá, a ba pukura-aha umele tá elvan ge ɲane: «Ŋere naɲeránna Yaakadada.» A ba Taumas á elvan ge itare: «Máki nanánka tate á kusa-aha na ta paslanmaa am erva-aha na á ba an ice-aaruwa, ya fem gulanda-aaruwa, máki fanemka erva-aaruwa am tate á upa na ta wanaa am slerpa na wá, ya fetareka ya ɔ́kideki ganakini tsetse am faya na.»

²⁶ Samsa máka-aara wá, jarammeje zlaɓe ádaliye pukura-aha am bere. Vacite ɲanna wá, aɲkwa Taumas keni am dágave-aatare. Ta zlaɲete we á bere-aha an tsekweram, amá tá zhárá ba samsa Yaisu, a tsaahé am dágave-aatare, a ba ɲane á elvan ge itare: «A vakurteva Dadaamiya hairire.»

²⁷ Ba a ndaase una ɲanna: «Sawa an gulanda á ɲa, náwa erva-aha-aaruwa,» a ba ɲane á elvan ge Taumas. «Sánsa erva á ɲa, femfa am slerpa-aaruwa keni. Yánya mága shaige mazla-aara, fetarfe á ba an jirire.»

²⁸ A ba Taumas á elvan ge ɲane: «Ka Yaakadada-aaruwa, ka Dadaamiya-aaruwa.»

²⁹ A ba Yaisu á elvan ge ɲane: «Ábi ka fetaara áte ya aɔ́baba nakina? Geɔ́a wá, tá sháná emnde na ni natika, amá ta naba fetarfe na.»

Názena ni ta puwete wakita na aɔ́baba ɲane

³⁰ Yaisu a magaa najipu-aha gergere kwakya zlaɓe ádaliye áza pukura-aha, puwarteka najipu-aha ɲanna baɗemme am wakita na.

³¹ Názena ni an puwa am wakita na wá, ta puwete ganakini kwá fetarfe áte Yaisu, geni ba ɲane una *Almasiihu, *Egdza á Dadaamiya. An fetarfire á kure áte ɲane wá, kwá shá shifa adaba ɲane.

21

Yaisu á maraterá ire-aara am Galili ge emnde-aara vuye

¹ Haraare cekwaɲguɗi wá, Yaisu a de marat-
eraa ire-aara zlaɓe ádaliye ge emnde vuye am
pukura-aha-aara. A marateraa ire-aara áte we
á haye á Tibairiyas. Náwa a marateraa estuwa
ire-aara ɲanna.

² Vacite ɲanna jarammeje pukura-aha na am
tate palle, tara Simaun Piyer an Taumas ba ɲane
una tá dahaná an Wulhe, antara Natanayail
ura ekse á Kana am kwára á Galili, an egdzara
á Jaibaidaiyus buwa, antara pukura-aha umele
buwa.

³ A ba Simaun Piyer á elvan ge itare: «Iya yá
zlala á de sluwa kelfe.» A ba emnde na: «Ŋere
keni ɲá d'abakd'ába.» Daaci ba tse-aatare, ta
demhe am paare á yawe. Ta hare paɲɲe, amá
sluwarvaaka kelfe d'ekid'eki.

⁴ Ankwa á wera ekse, palaahе sleɗe maa,
a naba jesarhe ge Yaisu áte we á haye, amá
diyarseka pukura-aha d'ekid'eki ganakini ɲane.

⁵ Yaisu a ndavateruhe elva: «Ba sluwakurvaasluwa kelfe dawalaa?» Ta nwanante a ba itare: «Ba palle keni shaŋeránka duksa.»

⁶ A ba Yaisu á elvan ge itare: «Puwawumpuwa narre á kure á dem yawe am dalbe á naɗafa á paare, kwá sluvaasluwa.» Ta naba puwumhe wá, slumarvaasluwa kelfe kwakya jipu, jater-viyaaje ge teda narre na antara kelfe am huɗe-aara, á dem huɗe á paare.

⁷ A ba pukura na wayaawáya Yaisu kwakya na á elvan ge Simaun Piyer: «Una degiya Yaakadada!» Piyer ba a cenaa: Una degiya Yaakadada na wá, a tsakweme am nanɗyuwe-aara, aɗaba ndza tsekwesetsekwe, daaci a ebze-maa á dem yawe.

⁸ Daaci ta semhe ge pukura-aha umele á se teda kelfe na am narre, ta yiyiyeka ɗeme an kevaye an we á haye, á magá ba maiter deremke palle.

⁹ Saresse am yawe maa, tá zhára ba kára an mbe antara kelfe an puwa átekwa, anƙwa depain zlaɓe á puwa.

¹⁰ A ba Yaisu á elvan ge itare: «Sawánsa kelfe na kwa sluwanaa kure kina na cekwaangudfi.»

¹¹ Daaci a ɗalemhe ge Simaun Piyer á dem paare, a de tefante we á narre an naha an kelfe-aha saɗaɗɗe am huɗe-aara na á sete haha. Kelfe deremke an kul ilyeɓe ju keye am narre nanna, aley tataaka narre ɗekidɗeki.

¹² Daaci «Sawmbare zaumiyuze,» a ba Yaisu á elvan ge itare. Amá baaka pukura na a slásla ndavanu elva ganakini ka ware. Aɗaba baɗemme diyareddiye ganakini Yaakadada.

¹³ A gaptehe ge Yaisu, a eksetaa depain, a tegaterhe, a tegateraa kelfe zlaɓe ádaliye.

¹⁴ Ge keyire una, Yaisu aɲkwa á maraterá ire-aara ge pukura-aha-aara, am iga a tsetse-aara am faya.

Yaisu aɲkwa á ndaan elva ge Piyer

¹⁵ Am sarte na zaruze duksa, Yaisu a ndavanu elva ge Simaun Piyer, a ba ɲane á elvan ge ɲane: «Simaun, egdza á Yuhanna, wayakiwáyá emtu ba kwakya jakuje ge emnde na?» A ɲwanante, a ba ɲane: «Wayanak-wáyá Yaakadada, ba ka keni diyakdiya ganakini wayanak-wáyá.» A ba Yaisu á elvan ge ɲane: «Eppiya egdzar kyawe-aha-aaruwa.»

¹⁶ A ndavanuhe zlaɓe ádaliye ge buwire: «Simaun egdza á Yuhanna, wayakiwáyá emtu?» A ba ɲane: «Wayanak-wáyá Yaakadada, ba ka keni diyakdiya ganakini wayanak-wáyá.» A ba Yaisu á elvan ge ɲane: «Faterufe hyema ge kyawe-aha-aaruwa»

¹⁷ A ndavanuhe zlaɓe ádaliye ge keyire: «Simaun egdza á Yuhanna, wayakiwáyá emtu?»

Mazle-aara Simaun Piyer fantaufe ge dzámá ire, adaba ndáva ɲanna a ndavanuwaa Yaisu ge keyire, ganakini wayakiwáyáhe na. A ɲwanante ge Simaun, a ba ɲane á elvan ge ɲane: «Yaakadada, palle á názu diyaɲka ka baaka, ba ka keni diyakdiya ganakini wayanak-wáyá.» A ba Yaisu á elvan ge ɲane: «Eppiya kyawe-aha-aaruwa.»

¹⁸ A ba ɲane á elvan ge ɲane zlaɓe ádaliye: «Yá ndak ba jirire: am sarte na zlaɓe ka dawale wá, ká eksantá ba ka kandá á ɲa, ká ɲgudese

hufe an ɲane, daaci ka zɲálá á dem tate á wedere á ɲa. Amá má watse gakevge emgyegwe a zhele wá, watse ká pelanse erva-aha á ɲa ge ura umele, á de takwasáká ɲane, watse á dáká á dem tate na ni wayanƙa na.»

¹⁹ Am hufe á elva ɲanna wá, Yaisu anƙwa á bálá jeba á emtsa na ni má watse á emtsa Piyer na. Emnde kwakya tá de gálá Dadaamiya adaba emtsa-aara. Daaci «Sawa dɓabidɓaba,» á ba Yaisu á elvan ge ɲane.

Elva á Yaisu áte pukura na wayaawaya kwakya na

²⁰ Daaci Piyer a zharaa ice á dem iga wá, á zhárá ba anƙwa á dɓabaterɓaba pukura na wayaawáyá Yaisu kwakya na am iga. Ba pukura na ndza á njá herzhe átevege Yaisu am sarte na tá anƙwa arge masane, a ndavanu ge Yaisu a ba ɲane: Watse á veláká ware ɲane Yaakadada na.

²¹ Am sarte na nanna Piyer anƙwa á dɓabaterɓaba pukura ɲanna maa, a ndavanu ge Yaisu, a ba ɲane: «Yaakadada, una mu watse á shaná uwe kena ɲane?»

²² A ɲwanante ge Yaisu, a ba ɲane á elvan ge ɲane: «Ma yá kátá yá se beráná á ba an shifa am eptsaaaruwa keni, una á shákaaka. Naba dɓabidɓaba ka.»

²³ Daaci ta naba hyanme labare-aara am dágave á emnde a fetarfe bademme wá, ta bántsa watse á emtseka pukura ɲanna dɓekidɓeki. Amá Yaisu ndahaaka una. Názu a bannaa Yaisu ge Piyer wá, a ba ɲane: Ma yá kátá yá se beráná á ba an shifa am eptsaaaruwa keni, á shákaaka.

²⁴ Pukura ɲanna Yaisu a ndaha elva-aara na wá, aɲkwa á maganá ba ɲane an ire-aara seydire á labare ɲanna, wakita na keni a puwetaa ba ɲane. Diyaɲerdiya ganakini baɗemme á názena a puwetaa ɲane, baɗemme ba jirire.

Elva na tá zlá wakita na átekwa

²⁵ Kwakya jipu názena ni a maganaa Yaisu ádaliye na. Ma andze ta eppuwa baɗemme am wakita, ba palle keni yaranseka wá, yá tama ma andze á taa ɲanaaka duniya na wakita-aha ɲanna.

Wakita á Dadaamiya
La Bible en wandala

copyright © 1999 Wycliffe Bible Translators, Inc.

Language: (Wandala)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 25 Aug 2024 from source
files dated 29 Jan 2022

dec75dd5-4784-5059-aa00-668d508a6b0d